

सानसेयारि 'बड'सा' खौरांलाइयाव  
समाजयारि जिज्जो लोखा थावाय रायथाय, खन्थाय,  
सल', सल'बाथा आरो दावबायारि थावनि, पार्क  
बाइदिनि सायाव लिन्नाय लिन्दिनां दैथाय हर/  
सानसेयारि 'बड'सा' खौरांलाइया खेबखानावे  
फोसावगोब।

बड'सायाव लिन्दिनायवि हुबा खालाम,  
'बड'सा' खौरां नोथां, जो बयबो आंगो खालाम।

सानसेयारि बड'सा मावखलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com



**ATHENA GROUP OF INSTITUTIONS**  
No. 75, Kannur, Bidarhalli, Hobli, Bengaluru  
Email: info@athenagroupofinstitutions.com

**ADMISSION  
LAST CHANCE  
2020-21**

**BE A  
NURSE,  
YOUR  
COUNTRY  
NEEDS  
YOU**

**B.Sc.  
NURSING / GNM**

Contact: Mobile: 9365218421  
Land Line: 08095571188

Web: www.athenagroupofinstitutions.com

BODOSA ★ A Bodo News Daily ★ Sunday ★ 29 November, 2020 Kokrajhar, BTC, Assam ★ Vol.- 30, Issue No. 243 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

**मिरु मन्थि साध्वी  
निरन्जन ज्यतिनि देहायाव  
करना पजिटिभ**  
गोदान दिल्ली, 28  
नभेम्बर: मिरुनि राइज्योयारि  
मन्थि साध्वी निरन्जन ज्यतिनि  
देहायाव करना पजिटिभ  
मोनाय जादों। मन्थि ज्यतिआ  
गावनि देहायाव पजिटिभ  
(□ 5 बिलाइआव)  
**उदालगुरिनि बाधखवा  
बस्टिआव मैदेरनि उतराव  
साने सुबुनि जिउ गोमादों**  
उदालगुरि, 28 नभेम्बर:  
सानफ्रोमबो बांसिनो हमदों  
मैदेर आरो सुबुनि गेजेराव  
दावहा बायदि उतराव।  
जायनि जाहोनाव थागिबि  
सुबुफोरा सान हर गोजेरनाय  
(□ 5 बिलाइआव)

## बि टि सि बिसायख 'थिनि थाखाय इउ पि पि एलआ दोलोनि मेनिफेस्टखौ फोसावबाय

**मोजां खुंथाय, सोलोंथाय, देहा, आबाद, लाइमोन, आइजो, बेकार  
जेंनाजों लोगोसे गोबां बिथिडाव खामानि मावनायनि थाखि**

कक्राझार, 28 नभेम्बर: बि  
टि सिनि बिसायख 'थिया फैगो  
7 आरो 10 डिसेम्बराव  
खुंजासिगोन। वे हिसाबै दासान्दि  
गासै राजखान्थि दोलोफोरानो  
गावबा गाव बिसायख 'थि  
फोसावदिनायाव नांथाबागसिनो  
थानायजों लोगोसे माखासे  
राजखान्थि दोलोफोरा  
बिसायख 'थिनि थाखाय रादाय  
बिलाइ एवा फोरमाय बिलाइखौ  
(□ 4 बिलाइआव)



## एबसुनि दैदेन्नायाव मोन 16 हारियारि आफादफोरनि सुबुं मेल खुंदों

मुसलपुर, 28 नभेम्बर: बागसा  
जिल्लानि सिडाव थानाय  
तामुलपुरनि घग्ना सकनि गेलेग्रा  
फोथाराव दुलाराय बर' फरयसा  
आफादजों लोगोसे शरनिना,  
राभा, हाज, बर्मन कचारी, बर',  
मदाही, गर्खा समाज, भजपुरि  
समाज, आसा, नाथजगि आरो  
गुबुन गुबुन मोन 16 हारियारि  
आफादफोरनि मोनसे गोनां  
जथुमनाय मेलआ जानां थडो।  
बे मेलआव थांनाय 27  
जानुवारीयाव जालांनाय 3 थि  
गोजो न 'बर' गोरबथानि  
सोमोन्दोयाव गुबुन गुबुन हरि-  
हारिसाफोरनि गेजेराव बांसावनाय  
एवा बाश्ना फोलानाय माखासे  
(□ 5 बिलाइआव)



## सालबारि इउ पि पि एल दोलोनि बिसायख 'थि फोसावदिनाय मेल

भवानिपुर, 28 नभेम्बर: सालबारि बियाबआव इउ पि पि एल  
दोलोनि बिजाथि बिन्द मुसाहारिया दोलोनि दैदेनगिरि आरो  
मदतगिरिफोरखौ लानानै गोखों फोसावदिनाय आरो मेल-मिथि  
खुनायखौ सोलिहोगासिनो दं। मख'नो गोनांदि, दिने बियाबनि  
आनन्द बाजार आरो खुसाबारिआव आलादा-आलादायै मोनै  
बिसायख 'थि मावख 'खौ बेखेवयो बिजाथि बिन्द मुसाहारिआ।  
आनन्द बाजार बिसायख 'थि मावख 'बेखेवनायजों इउ पि पि  
एल दोलोनि दैदेनगिरि आरो बेनि (□ 5 बिलाइआव)

## सोमावसारबाय थानाय आबादारिफोरनि गासै जेंना आरो दाबिखौ सरकारआ खोनासंनो थियारि: अमित शाह

गोदान दिल्ली, 28 नभेम्बर: दासान्दि हादतनि राजथानि गोदान  
दिल्लीनि सिडाव आरो बेजों नांजाबनाय सिमा ओन्सोलफोराव  
सरकारआ आखाइयाव लानाय मोनथाम आबाद आइनफोरनि हेंथायै  
रोजा-रोजा आबादारिफोरा सरकारनि बे थांखिनि हेंथायै  
सोमावसारगासिनो थाबोदों। आबाद आइनि हेंथायै  
सोमावसारगासिनो थानाय आबादारिफोरनि दाबि आरो जेंनाखौ  
बोझानायनि खोथा होनो गोनां (□ 5 बिलाइआव)

## बिस्वजित, इमानुएल आरो हिमन्त बिश्व शर्मानि मुसुखा सावदों बिपिएफआ



तामुलपुर, 28 नभेम्बर: राइज्योयारि बिसायख 'थि आयगआ 4  
थि बि टि सि बिसायख 'थिखौ खुंनो अक्ट फोसावना होनाय  
बायदिदै बिसायख 'थिखौ 7 आरो 10 डिसेम्बराव मोनै  
खोलोबयाव खुंनो थांखि लाबाय। गेजेराव माखासे सानल'  
थाबावनायनि गेजेरावो बि टि सि बिसायख 'थिखौ मिरु खालामनानै  
दासान्दि गुबुन गुबुन राजखान्थि (□ 5 बिलाइआव)

## बासुगावआव बि जे पिनि बिसायख 'थि फोसावदिनाय मेलआव मन्थि परिमल शुक्लबैद्य

अलक बसुमतारिनि हेफाजाबाव  
फोसावदिनाय फेदों आसाम  
सरकारनि मन्थि परिमल  
शुक्लबैद्य। बासुगाव नेताजी  
सुभाष बिदा निकितन गोजौ  
फरयसालिनि गेलेग्रा फोथाराव  
खुंनाय मेलआव 200 निबो  
बांसिन हेफाजाबगिरिफोरनि  
बाहागो लानायाव मन्थि  
शुक्लबैद्यआ बुडोदि, बि टि

सिआव बे खेबाव बि जे पि  
सरकार जागोन। गावनि  
बिबुंथिनि गेजेरजों बि पि एफ  
दैदेनगिरिफोरखौ गोखों रवजों  
सावरायनानै बुडोदि, थांनाय 17  
बोसोर नाडै बि पि एफ  
दोलोआ बि टि सिनि जौगालु  
धोनफोरखौ लुथिदों। बेबायदि  
गेना खान्थिआ फैगो समाव  
(□ 5 बिलाइआव)

गोहो गोरा हादतफोरखौबो  
गाहायाव दोन्दों। भारतया जाय  
राहाजों करनानि हें थायै  
जुजिनायाव खौसेथिखौ  
दिन्थिदों बेयो गोहो गोरा  
हादतफोरनि थाखायबो नोजोर  
बोनो हाथाव जादों। वे करना  
भाइरासनि हेंथायै जुजिनायाव  
गाहाय मन्थि नरेन्द्र मदिनि थांखि  
लानायफोरा फैबाय थानाय  
समफोराव गोसोखांथावना  
जानानै थासिगोन। करना  
भाइरासनि हेंथायै जायखि-जाया

## करना भाइरासनि हेंथायै जुजिनायाव गोहो गोरा हादतफोरनिखुडुबो भारतआ सिगाडव

हादतनि दिन्थिफुंनाय एवा  
दावहा नांनायखौ नोजोर  
होयोब्ला नुनो मोनोदि,  
भारतआ बे भाइरासनि हेंथायै



जुजिनायाव गुबुन गोहो गोरा  
हादतफोरनि गोजौयाव दं।  
भारतनि बाश्ना रायज्योयब्ला  
(□ 5 बिलाइआव)

## माजुलिनि दै बाना आरो हा खुरखानायखौ होबथानायनि मोनथाम बिथांखि बेखेवदों

**भारतनि गेजेरावो माजुलिखौ दरसे राइखांजाथावना  
जायगा खालामनायनि गिदिर थांखि लादों: सनवाल**

दिसपुर, 28 नभेम्बर: गुबुन  
गुबुन हरि-हारिसानि गोरोबनाय  
खौसेथिजों गोथार  
दावबायथिनि हा माजुलिखौ  
भारतनि गेजेरावो मोनसे  
रायखंजाथावना जायगा हिसाबे  
लानानै थांनायनि जेरैबायदि  
गिदिर थांखिजों आधिखालनि  
राइज्यो सरकारा खामानि-  
दामानिखौ आखायाव लादोंमोन  
(□ 5 बिलाइआव)



## मुलुगनाडै-करना भेक्सिन दैथायहरनो थाखाय चार्टाई फ्लाइटरखौ जागायबाय

**इउ एस, बैल्जियाम आरो जामाबीआव गुदाम खालामगोन**

वाशिंगटन, 28 नभेम्बर: मुलुगनाडैसुबुंफोरनि थाखाय गोजेनथाव  
रादाव फेदों। आमेरिकायाव फाइजर कम्पनीया गिखंथाव कभिड-  
19 नि भेक्सिनखौ मुलुगनाडै हादतफोराव सौहेहोनो थाखाय  
साखा-फारा खालामगासिनो। सुलुनिफ्राय मिथिनाय बादिल्ला  
मुलुगनि दरफ्रोमबो हादतफोराव भेक्सिन दैथायहरनो थाखाय चार्टाई  
फ्लाइटरखौ थियारि खालामबाय। इउनाइटेड एयारलाइन्सआव  
शनिबारखालि बे उरां जाहाजफोर (□ 5 बिलाइआव)

मोनबा बासा'  
आदिबासि उतरारि  
आफादफोरा बि जे  
पिखौ बिसायख 'थियाव  
मदत होगोन

कचुगाव, 28 नभेम्बर: बि टि  
सिनि बिसायख 'थिनि उनावो  
आदिबासिफोरनि मोनफ्रोमबो  
जेंनाफोरखौ समाधान  
खालामनायजों लोगोसे  
आदिबासि आरो सावथाल  
(□ 5 बिलाइआव)

## बराक-बुर्लुबुथुर सेरफांनि गेदेर सुबुं समाज दाफुंनायनि गोदान आफाद दाफुंदों

गुवाहाटी, 28 नभेम्बर:  
आसामनि बराक-बुर्लुबुथुर अखं  
आसामनि ओन्सोलाव थाबोनाय  
सुबुंफोरनि थाथाय जारिमिनआ  
एखे नडा। अदेबानि गामियारि  
जायगाफोराबो रोखोमसेयैनो  
नडा। बेयाव गुबुन गुबुन हरि-  
हारिसानि रव आरो हरिमुआ  
साग्लोबदों। बेफोरनो असमीया

हारिनि सिनायथि। आसामआव  
थांनाय 30 बोसोर नाडै  
सामाजिक, राजखान्थिनि  
आबहावाआ गोबां सोलायनाय  
फैबाय। बेबायदि समाव  
आसामनि असमीया समाजखौ  
गोबां खोन्दो-खोन्दो  
खालामनायनि लामायाव थांदों।  
बेबायदि बेखावनाया असमीया

गेदेर हरि दानायाव जेब्लाबो  
जौगानायनि लामाखौ दिन्थिनो  
हाया। बोखावनाय आरो  
गावसनाया असमीया समाजनि  
थाखाय गनायथावना नडा।  
समान जौगानायनि अनगायै  
आसामनि गेदेर असमीया  
समाजखौ आबुं जौगांखौ होनाया  
जाथावना नडा। बोखावना  
खान्थिखौ नेवसिगारनानै बराक-  
बुर्लुबुथुर, अखं आसामनि  
(□ 5 बिलाइआव)

## आसाम सत्र महासभाया मनिराम केउतनि रुंसारि जानायाव दुखु फोरमायदों



गुवाहाटी, 28 नभेम्बर: आसाम सत्र  
महासभानि सासे गोखों मावफारि आरो सत्र  
गौरव सन्मानजों मिथिसार जानाय श्री श्री  
नरवा कुजि सत्रनि मनिराम केउत बरखायनआ  
दिने बैलासि 1.20 रिगायाव जोबथा हां  
बोनायखौ दुखु फोरमायदों। थैनाय समाव  
बिथानि बैसोया 74 बोसोर जाबायमोन।  
1946 माइथयनि आगस्ट दानाव आसामनि गुबुन मोनसे सहकी  
सत्र श्री श्री नरवा कुजि सत्रआव जोनोम मोननाय गागि हारिसु  
मावफारि मनिराम केउतआ नगाव जिल्लानि महापुरस श्रीमन्त  
शंकरदेबनि आरिसु-हारिसुनि गुबुन (□ 4 बिलाइआव)

## बि जे पि बिजाथिनि जानानै फोसावदि मेलआव मन्थि हिमन्त बिश्व शर्मा



कचुगाव, 28 नभेम्बर: बि टि  
सि परिषद बिसायख 'थि  
फोसावदिनायनि थाखाय दिने  
3 नं श्रीरामपुर बियाबआव बि  
जे पि दोलोनि हेफाजाव होनाय  
बिजाथि सन्जिब दत्तनि जानानै  
फोसावदिनो फेदों आसाम  
सरकारनि रांखान्थि बिफाननि  
(□ 4 बिलाइआव)

## राइमनाखौ आसामनि 6 थि नेसनेल पार्क महरै दाफुंनाय जासिगोन

गुवाहाटी, 28 नभेम्बर: आसाम सरकारनि  
हाग्रा आरो आबहावा बिफाननि मन्थि परिमल  
शुक्लबैद्यआ आसामआव आरोबाव 6 थि  
पार्क महरै दाफुंनानो गोनां राइमना नेसनेल  
पार्कनि मानसावगारिखौ दिने शनिबारखालि  
कक्राझाराव बेखेवनाय जायो। गोदान दैफुंनो  
गोनां राइमना नेसनेल पार्कनि मानसावगारिनि  
बिथांखिखौ आसामनि राइज्यो बैंगिरि प्रफेसार  
जगदिश मुखिनो गथायनाय जागोन। मख 'नो  
गोनांदि, मानस नेसनेल पार्क आरो टाइगर



रिजाभनि सिडाव थानाय रिफु हाग्रा  
ओन्सोलनि गासै 422 बर्ग कि:मि: गुवार  
ओन्सोलखौ लानानै राइमना नेसनेल पार्कखौ  
दाफुंनायनि राइज्यो बैंगिरिनो बिथांखिखौ  
गथायनानै होयो। टुइटरनि गेजेरजों हाग्रा  
बिफाननि मन्थि परिमल शुक्लबैद्यआ बुडोदि,  
राइज्योनि गुबुन मोनसे जाफुंसावनाया जादोंदि,  
आसामआव गुबुन मोनसेबाव एवा 6 थि  
राइमना नेसनेल पार्कखौ मोनो हासिगोन।  
दिने बेखेवनाय (□ 4 बिलाइआव)

**चभ 'लिन**®  
एन्टिसेप्टिक क्रीम  
आरो  
इमलियेन्ट

आरो गोजों आरो गुरै बिगुरनि थाखाय

## सुजुगिरिनि खोलोम

### आंगो सान्नाय-हनाय

सुबुनि गेजेराव अनलायनाय, गोजोन लाखिनाय आरो आंगो सान्नाय-हनाय थायोब्लासो खाथि सोमोन्दोआ फैनो खाबु मोनो। गोसोयाव सुगैनाय, इनाय सान्नाय, हिंसा सान्नाय-हनायफोरा बाहा लायोब्ला सुबुनि सान्नाय-हनाय, थांखि, हाबा-हुखाफोराबो गात्रिनि महर लालाडो। गोसो गात्रि जायोब्ला ख'हाजो लोगोसे बायदिसिना बेराम-आजारफोराबो साबफानो बोलो मोनो। बेखायनो सान गोलैनि सोरा रोदाजो लोगोसेनो सुबुनि सान्नाय-हनाय, थांखिफोरखोबो गोसो सिडव जायगा होनांगो जाहाथे जागायजेनाय समा मोजां आरो गाहामैनो थाडो।

मोजां सोमोन्दो आरो आंगो सान्नाय-हनायफोरासो सुबुंफोरनि गेजेराव खौसेथि आरो गोरोबलायनायनि दौलैजो बोन्थुमनानै लाखिनो हायो। आंगो सान्नाय-हनाय थालायनाय खायनो गामियारिफोरा ज' ज' गोरोबलायनाय राइजो जानानै थानो हाबोदो। गुबैथै बर' गामियारिफोरनि गेजेराव आंगो सानलायनाय थानाय खायनो बर'फोरनि राइजो जानायावबो खेफोद-आफोद, मावनाय-दानाय, हाबा-खेराइ, सावरि-बादालि, नाहा-मैहा थानायाव, मावनायाव नौ दानागार, आं दानागार ज'थै सोलिनानै फैनो हादो। आथिखाल मुलुगआ सोलायस्त्वनो हमबाय, सुबुंफोरनि गोसोया सहर मोखां जालानो हमबाय आरो सुबुनि थानानै थानायनि राहाफोराबो बांसिनै इक'नमिक जालानो हमनायाव सान्नाय-हनायफोरा गुवार जायालासे गुसेब गावयारि जानो लानायनि गोनांथि खालामनायाव सिगांफोरनि आंगो सान्नाय-हनायफोरा गुस्लायनो हमहांबाय।

बर'फोरा आंगो सान्नाय गोरोखायनो गुबुनखौबो गोलैथै बजबनानै लानो हायो। गुबुनफोराबो बुजिनो गोलै जायो बर'फोरनि सान्नाय-हनायखौ, बेखायनो बखलनो गोलै जायो गुबुनसाफोरनि थाखाय। मावजिया गुरुं हा नागिरनानैसौं खियो। गसिबो हायानो गुरुं नंजोबा। बबेयावबा गोरा बबेयावबा गुरैबो थाखागोन। बेखायनो नागिरै नागिरै गुरुं हा मोनोब्लासो बुनानै खिगोन मावजिया। बर'फोराबो हा गुरुंजो रुजुजायो। बिसोरनि गुरुं आखु, आंगो सान्नाय लानाय बायदि आखुफ्रानो बिसोरनि सोरगिदिं ग्री-ग्री हाग्रा-बंग्रा दुफबनो बोलो मोन्दो। माखासे बिथिडव आंगो सान्नाय-हनाय आरो सोमोन्दो दानो हानायजो बयखौबो गोसो जै खालामनानै बोजबनानै समाजनि गेजेराव गोजोन अनलायनाय, फोथायलायनाय लाखिबोनो हादोब्लाबो गुबुन फासै ख'हाबो जानो गोनां जादो।

## दिनैनि फानजायुथि

### राशि बाइदियै मुनि गिबि हांखो

मेष : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** सोलौंथायाव जौगालानो हागोन। गियाना बालांगोन। फारफ्रोमथिबो मोजां।
- बृष:** मोनफ्रोमबो खामानियाव बाद होजानो हागौ। गोसोखौ लोरबां दाखालाम।
- मिथुन:** बेपार-फालांगिआव मावयोब्ला गोबां मुलाम्फा मोनो हागौ। सम आरो बोथोरखौ औरैनो दाहगार।
- कर्कट:** गावनि असे लोगोजोनो माबा मोनसे जाहोननि थाखाय गावप्रालायनाय सोमजिगोन।
- सिंह:** माबा मोनसे मुवा खहा जानो हागौ। फारफ्रोमथिबो सांग्राडे सोलिनाया मोजां।
- कन्या:** थाखानायनिफ्राय बांसिन दोहोन बुधुमनानै लानो हागोन। रांखावरि मुलाम्फा जागोन।
- तुला:** दिनैनि दिनाव खस्ट सैनांनो हागौ। गोसोखौ सांथि मोन्नाय नड। गोसो हमथा।
- बृश्चिक:** रावजोबो जेना गैथै गोजोनै थानो हागोन। फारफ्रोमथिबो जौगाखानाय फैगोन।
- धनु:** बायदिसिना रोखोमनि सुजुग-सुबिदा मोन्नायनि आसा दं। मिजिथिनायफोरखौ औरैनो दाहगार।
- मकर:** बेपार-फालांगि मावयोब्ला खहाफोर जानो हागौ। मोनसेबो फालांगिआव आखाइ होथैयानो मोजां।
- कुम्भ:** देहाखौ लानानै गोजोन्नाय मोनै मोनो हागौ। बोथोरनि थाखाय सांग्रा जानांगोन।
- मीन:** मानिबा जाहोनाव लोगोजो गावप्रालायनाय जानो हागौ। गोसो हमथानाया गाहाम।

## दान्थे-बिदान्थेनि थाखाय सुजुगिरिया दायनिगिरि जानाय नड

# बर'नि राजखान्थिआव जोलैनि हांगार

### बिसावराय

ड. सुबुंसा मोसाहारी

**जुरिनाय :** बारग' गिबि मन्थि तरुण गौ बिथांखौ सावखालि दिल्लीनारी बर'सा सासेआ फ'न हरनानै सोंहरदोमोन- 'माथो टि.भि. रादाब बिलाइ, इड टिउब जेरावबो बिटिआरनि खोथा बुंनया असमोया रावनिनो जाजोबबायालै। गोराफोरा राव सासेबो बर'नि बुंला लिरला। प्रमद बर'आथ' बिटिआरआव असमोया रावआसो बिटिआरनि सरकार राव जागोन बुंवायगासिनो दड। बेबादि मानसिनो असे बर' गोसोनि हारि अनसायारि रावजो बर'साया भट होनो हानाय नड।'

टि.भि. आव ब्रेकिं निउज होनै होनै बे खोथाखौ लिरबाय थानाय नुबो गासिनो दड ओजोनि बर'फोरा माबालांखानिफ्राइनो, नाथाय मोदोमावसो जेबो नांबोफेराखै जोनि दैदनिगिरिया बे खोथाखौ बुंमारदो ना बुंमारारखै बेखौ मिथिनायनि लामा गैया। साखि मावनाय मानसि, मेथें- दावथें होसोनानै खोनासहैनायनि लामा गैया। रादाब बिलाइ एबा टि.भि.फ्राव "Rejoinder" होनायबो नुफेरा। बर' फिसाफोरनावबो सोनायनो हाला, गिनांगौ थायो- बियोबा बेबादि बुंग्रानि हान्जानि (मदतगिरि) ना बिथांखौ बेरेखा खालामग्रा हान्जानि। गुदु-गुसु जेबो मिथियैयाव बेफोर फारिआव एफाबां आवगायनो गोसोआ बोलो मोना।

बाइहा राइजोआव थाहैनाय बर' फिसाफोराबो बेफोरखौ (लिरनाय)नुनानै, (टि.भि.आव) बुंनया खोनानानै थानो हालाथै जाबाय, सहायनो हाथै जाबाय। बेनिखाइनो गिया-ल'ना बेबादि बुंहरनो (सोंहरनो) हालायनाय जाबाय। ओजो थानाय जे जयगानिफ्रासो गिनानै खुगा बुधुमानै थाजोबसै दाइ नांजानो गिनानै।

बिटिआर गोरोबथा जानायनि एसे उनावनो मुलुग सोलौंसालि गंसेनि बारग' बिथोनगोरा बिथाड मानासआव जानाय All India Multti-lingual poet Meet आ ज' हस थानाय समाव बुंदोमोन-"माथो नोंसिना राइजो (फिसा) गोदानआव असमोया रावआसो सरकार राव जागोनोलै। आडो नंखाय बेयो सोर बुंदोसे बुंवा बुंदोमोन बिथाड-टि.भि.आव बुंगासिनो दं, पेपारफ्राव ओंखारगासिनो दड नुश्राखै नोडे।

लकसभा बिसायख'थिआव खेबनै गाहाम जेनबायब्लाबो हारिहा एम.पि दड होननो हानाय सासे बर'सा दडमोन राइजो सभायावब्लाबो। बावयैसो सिगां बिबो बिबान एंगारना बिजेपिआवसो हाबहैबाय। मा सानखो, मा बुजिखो, मा अंक दड बेफोरखौ जेबो हमनो हानाय जालिया!'

बंगलनि बर' फिसा सासेआ बेबादिनो बुंहरदो फन हरनानै। 18 नभेम्बरखालि एमपि बिबानखौ रिजाइन होनानै 22 नभेम्बरखालि बिजेपिआव हाबदो बर'नि जोबथा एमपि बिश्वजित दैमारी बिथाड। दा मा खालामगोन थाइ रावबो बुंस'नो हायाखै।

जानो गोनां बिटिसि बिसायख'थिआवबो बादयाथै बिथाडा, फैगौ बोसोरआव जागोन आसाम एसेमब्लि बिसायख'थिआव बादयायनिबो लामा गैया मानो होनोब्ला बिथाड सिगां दारायनानै देरहानाय तामुलपुर समस्टिआव दारायनो

इमानुयेल मोसाहारीखौ सोनानै लाखाबाय बिजेपिआ। मा अंक दडथाइ रावबो बुजिनो हायाखै।

दानसेसो सिगांनिफ्रायनो आसामनि मन्थि हिमन्त बिश्व शर्माआ बिथांखौ बिटिसिनि सिफ खालामगोन होनानै प्रजेक्ट खालामबोबाय थादोमोन। प्रमद बर' दैदेनाय इडपिपिएल राजखान्थि हान्जाखौ लोगो नागारनानै बिजेपिआ गाव हारसिडैनो बिटिसिखौ दखल, खालामनो सिगांदोमोन, एथ'दिन लोगोआव लाफा बोनाय बिपिएफ राजखान्थि हान्जाखौ नागारबाय होनानै फोसावदोमोन।

नाथाय मिरु बिजेपि आ बिपिएफ हान्जाखौ नागारनो हाया होनानै थांखि फोसावबाय 20 नभेम्बरखालि। मानो होनोब्ला बिसोर बेखौ मोजाडैनो मिथिगौ- जोइ बिपिएफखौ नागारनाय एएएसइड-एजेअवाइचिपि आरिफोरा ज' जानानै एजेपि मन्थिफोरखौ गाग्लोबगोन, आसाम सरकारनिफ्राइ मदतखौ बोखांहोगोन। अब्लाना आसामनि बिजेपि दैदेनाय सरकारआ बायगोन।

का' (चिए) सोमावसारनाय समावनो एजेपि नि मन्थि साथामखौ बिबान नागरहोदोमोन असमोयाफोरा। बै समाव बिपिएफ थाफायामोनब्ला बायगौमोन बिजेपि दैदेनाय आसाम सरकारआ। बेखायनोसो हिमन्तआ जेखि जाना हमथानानै लाखिदो बिपिएफखौ। बिसायख'थिनि सिगां-सिगां सरकारआनो बायनानै थांखा दाबादियाव बिजेपिआ माब्लाबाबो देरहाफिनो हानाय नड फैगौ मे, 2021 आव।

बेबादि अलखद बुब्लिआव एमसि बिबानखौ नागारनानै बिश्वजित दैमारी बिथाड हारिखौ गोदाव-सोराव

खालामबाय। एथ'दिना गेप जाबोफेरैया दानिया बर'हा एमपि गेजाय जाबाय। गावनि हारिखौबो इनाय खालामबाय बियो।

दिल्लीनारी आरो बंगलनारि बर' फिसाफोरनि नोजोराव बिथांमोन सानैआ जोलैनि हांगार। गोर्बोआव उजिनाय बिमाखौ नागारनानै बिथांमोनहा गुबुननि नख'रआवसो हाबहैबाय। सासेबा (बिमा) रावखौ नागारबाय, गुबुन सासेआ हारिखौ नागारनाय। गावनि हारिखौनो गोदाव सोराव खालामबाय सानैबो।

बुंवायदो बाइहा राइजोनि बर'सा सानैआ-"बेफोरखौ नुनानै एबसु-साहित्य सभाया मानो जेबो बुड। आपत्ति खालामनांगोमोना बिसोर नंश्राब्लाबो!" आं बुंहरदोमोन मा बिसोरबो खुगा मुथुबाय बुंवावनो गिबाय।

सल'राजा नीलकमल ब्रह्मआ "नेर्सीन" सुंद सल'आव 2020 माइथाइयाव बाउखुंघि हाजोनि अन्थाय थाफायाव बर'नि नेर्सीन (Fossil) मोन्नाय खोथाखौ लिरनानै गालांदो। बिखाया मावखाडे दा बर'नि दैदनिगिरि बिथां मोननि फाव फेख'नखौ नुनानै। गिनाय फेखाडे-"2020 जोबनायजो बर' हारिआ जोबसंनानयजो ग्रीब जाहैसिगोन नामा सल'राजाय लिरलांखानाय बादिनो।

खाराव-माराव बुंहरदो बाइहा राइजोनि बर'सा सानैआ"- बिमा राव थायाब्ला बर' हारिआ माबोरै थाबावनांगो। गावनि राइजो फिसायावनो बर' रावआ थायाब्ला माबोरै जाबावनांगो। खोथाफोरखौ बुहरनानै गारां थाबथा-बुथथा जालामदो बिथांमोनहाया मेगनजो-मोदैबो ग'बोदोमोन जानांगो बे समाव।

## समालियानि मगादिशुआव सुइसाइड गाग्लोबनायाव सा 7 सुबुंफोरनि जिउ खहा, सा 8 जोखोम

गोदान दिल्ली, 28 नभेम्बर:

थानाय शनिबारखालि समालियानि राजथावनि महादिशुआव मोनसे आइस्क्रीम शपआव जानाय सुइसाइड वमजो गाग्लोबनायाव सा 7 सुबुंफोरा थैबाय। अलशयदाजो लोब्बा गोनां इस्लामिक उतखारि आफाद अल शबाबआ बे गाग्लोबनायनि दायखौ लायो। सुलुडव फोरमायनाय बादिब्ला, आमेरिकानि हाबाफरि सामलायग्रा रेखाथि सेक्रेटारि क्रिस्टफर मिलारनि दावबायनायनि माखासे घन्टा उनाव बे गाग्लोबनायखौ खालामो। बै समाव क्रिस्टफर मिलारआ मगादिशुआव आमेरिकानि राजथावन्दै आरो सांन्थियारि मावसुमाफोरजो लोगो हमनो सौहैदोमोन। बे गाग्लोबनायाव



सा 7 सुबुंफोरनि अनगायै सा 8 सुबुंफोरा जोखोम जायो। मख'नो गोनांदि, बे गाग्लोबनायनि दाय लाग्रा आफाद अल शबाबआ

सिगाडावबो समालियानि राजथावनि मगादिशुआव उतखारि गाग्लोबनायखौ फिननाय होबोदो। बे आफादआ थानाय आगस्टआवबो मगादिशुआव गाग्लोबदोमोन। बेयाव रेखाथि हान्जाफोरा फिन गाग्लोबफिननानै उतखारिफोरजो मोगा-मोगि जादोमोन आरो गासै 5 घन्टानि उनाव हटेलखौ नागारदोमोन।

Format C-1 (for candidate to publish in Newspapers, TV)

**Declaration about criminal cases**

(as per the judgment DATED 25<sup>th</sup> September, 2018. Of Hon'ble Supreme Court in WP (Civil) No. 536 of 2011 (Public interest Foundation & Ors. Vs. Union of India & Anr.)

Name and address of candidate: MR. RANJIT BASUMATARY (a) B.R. FERENGA

Name of Political Party : UNITED PEOPLE'S PARTY LIBERAL (Independent candidates should write "Independent" here)

Name of Election : 14<sup>th</sup> BODOLAND TERRITORIAL COUNCIL GENERAL ELECTION 2020 Name of Constituency: 14<sup>th</sup> CHIRANG DUAR (ST) BTC CONSTITUENCY.

I Mr. Ranjit Basumatary (name of candidate), a candidate for the abovementioned election, declare for public information the following details above my criminal antecedents:

Sl. No.	Pending Criminal case		Details about case of conviction for criminal offences		
Sl. No.	Name of Court	Case No. and status of case	Section(s) of Acts concerned and brief description of offence(s)	Name of Court & date(s) of order(s)	Description of offence(s) & punishment imposed
NIL	CASE NO. RUNIKHATA P.S.38/2016 (Case is under Investigation)	u/s 120B/121/121A/122/387 IPC R/W sec. 17/21 UA(P) Act. The brief of the case is that based on secret information regarding collection of funds and supply to the banned NDFB (S) Organisation by Sri Pinkush Narzary of Village No.2 Bengtol, the Police of Runikhata P.S. and Bengtol out post staff conducted raid & search at village No.2 Bengtol on 2.7.2016 at 3:00 a.m. and apprehended Shri Pinkush Narzary, S/O.- Sri Boloram Narzary from his residence. On interrogation it was found that under the instruction of NDFB(S) Leader B.R. Ferenga he had collected an amount of Rs.- 31,000/- only and Rs - 12,865 - only from two Teachers namely Sri Pradeep Narzary of Bengtol M.V. School and Sri Jiten Narzary of Tukrajhar High School respectively. The collected amount was used for buying arms and other logistic support by the NDFB(S) for waging war against the state.			

In the case of election to Council of States or election Legislative Council by MLAs, mention election concerned in place of name of constituency.

Note:- (i) Details should be given separately for each case in separate rows. (ii) The matter in newspaper should be published in font size of at least 12.

Format C-2 (For political party to publish in website, newspapers, TV)

**(Declaration about criminal antecedents of candidates se: up by the party)**

(As per the judgment dated 25<sup>th</sup> September, 2018 of Hon'ble Supreme Court in WP (Civil) No. 536 of 2011 (Public interest Foundation & Ors. Vs. Union of India & Anr.)

Name of Political Party: UNITED PEOPLE'S PARTY LIBERAL

Name of Election: 4th BODOLAND TERRITORIAL COUNCIL GENERAL ELECTION, 2020

Name of State/UT: ASSAM

1	2	3	4	5		
Sl. No	Name of Candidate	Name of Constituency	Pending criminal cases		Details about case of conviction for criminal offences	
Sl. No	Name of Candidate	Name of Constituency	Name of Court, Case No. & status of the case(s)	Section of the Acts concerned & brief description of offences (s)	Name of Court & date(s) of order(s)	Description of offence(s) & punishment imposed
	MR. RANJIT BASUMATARY	14 <sup>th</sup> CHIRANG DUAR (ST) BTC CONSTITUENCY	CASE NO. RUNIKHATA P.S.38/2016 (Case is under Investigation)	u/s 120B/121/121A/122/387 IPC R/W sec. 17/21 UA (P) Act. The brief of the case is that based on secret information regarding collection of funds and supply to the banned NDFB (S) Organisation by Sri Pinkush Narzary of Village No.2 Bengtol, the Police of Runikhata P.S. and Bengtol out post staff conducted raid & search at village No.2 Bengtol on 2.7.2016 at 3:00 a.m. and apprehended Shri Pinkush Narzary, S/O. Sri Boloram Narzary from his residence. On interrogation it was found that under the instruction of NDFB(S) Leader B.R. Ferenga he had collected an amount of Rs.31,000/- only and Rs. 12,865/- only from two Teachers namely Sri Pradeep Narzary of Bengtol M.V.School and Sr. Jiten Narzary of Tukrajhar High School respectively. The expected amount was used for buying arms and other logistic support by the NDFB(S) for waging against the state.		

In the case of election to Council of States or election Legislative Council by MLAs, mention the election concerned in place of name of constituency.

Note:- (i) The above information shall be published State wise for each State/UT. (ii) The matter in newspapers should be published in font size of at least 12.

## आहमेदाबाद आव जाइडस बायटेक पार्कयाव सौहैबाय गाहाय मन्थि मदिआ

गोदान दिल्ली, 28 नभेम्बर : करना इनफेक्सननि गेजेराव दिने गाहाय मन्थि नरेन्द्र मदिआ हादतआव करना भेक्सननि थियारिफोर खालामनायखौ नायबिजिर हैदों। बेनि थाखाय गाहाय मन्थि मदिआ आहमेदाबादयाव सौहैबाय। बेवहाय बियो जाइडस बायटेक पार्कयाव सौहैबाय बेवहाय बियो जाइडस केडिलानि करना भेक्सन जाइकब डीनि थियारिफोर खालामनायखौ नायबिजिर हैदों।



आहमेदाबादनि उनाव गाहाय मन्थि मदिआ हाइड्राबादनि भारत बायटेक आरो पुणेयाव सीरम इनस्टिट्यूट अफ इन्डियानि भेक्सन सेन्टरआव दावबाय हैगोन। बे समाव गाहाय मन्थि मदिआ मोनथामबो मिरुयाव के भिड-19 जों सोमोन्दो थानाय भेक्सनखौ

नायबिजिर हैदों। बियो बेवहाय बिगियानगिरिफोरजों लोगोसैयै करना भेक्सननि लामायाव जेंना सोमजिनायखौ सावरायलायगोन। गाहाय मन्थि मदिआ सानजौफुनि 11.30 रिंगायाव पुणेयाव सौहैगोन। बेवहाय गाहाय मन्थि मदिआ सीरम इनस्टिट्यूटनि भेक्सन

प्लान्टआव दावबाय हैगोन। सीरम इनस्टिट्यूटआ ब्रिटेइनि एस्ट्राजेनेका आरो अक्सफर्ड इडनिभासिंटिफ्राय थियारि खालामनाय भेक्सनखौ आन्जाद नायदों। पुनेनि उनाव गाहाय मन्थि मदिआ हाइड्राबादयाव दावबायहैगोन। बेवहाय बियो हकीमपेट एयार

फर्स स्टेसननिफ्राय थोंजों हाइड्राबादनिफ्राय 50 कि:मि: गोजानयाव थानाय जीनम भेलियाव भारत बायटेकनि प्लान्टयाव दावबाय हैगोन। भारत बायटेकआव हादतनि क-भेक्सनखौ बानायनाय जादों। बे भेक्सनखौ थामथि खोलोबनि आन्जाद नायनाय जाबाय 12

## भारतीय रेलआ माखासे ट्रेनफोरनि समफारिखौ सोलायबाय

गोदान दिल्ली, 28 नभेम्बर : 1 डिसेम्बरनिफ्राय सोनाब रेलवे जनआ ट्रेन टाइमियाव सोलाय-सोल' खालामनो फोसावदों। बे हाबाफारियाव मुम्बाइनिफ्राय खारलांनय राजधानी आरो शताब्दी एक्सप्रेस ट्रेनफोरनि समखौ सोदांनय जादों। मुम्बाइ सेन्ट्रेलनिफ्राय सोलिनय नइ दिल्ली राजधानीया आथिखालाव बरीबलीयावबो थथ'गोन। गुबुन फार्सेथिंजाय आगस्ट क्रान्ति राजधानी एक्सप्रेसया आथिखालाव अन्धेरी स्टेसनयाव लाखिनाय नइ। बेनि अनगायै गुबुन गुबुन ट्रेनफोरनि टाइमिंखौबो सोलायनाय जादों। शताब्दी स्पेशल एक्सप्रेस ट्रेन नम्बर 02009 आ मुम्बाइ सेन्ट्रेलनिफ्राय एहमेदाबादसिम 10 मिनिट गोवावजों फुनि 6.40 रिंगायाव खारगोन। बेयो



बरीबली, बापी, सुरत, भरुच, बड़दरा, आनन्द आरो नादियाडनि गेजेरजों खारलांनय सानजौफुनि 1.00 रिंगायाव एहमेदाबाद सौफै गोन। फेफिन्नाय समाव बे ट्रेन नम्बर 02010 आ आहमेदाबादनिफ्राय साननि 2.40 रिंगायाव खारबोफिन्नायै हरनि 9.50 रिंगायाव मुम्बाइ सेन्ट्रेलयाव सौफैगोन। साबरमती-ग्वालियर

सुपारकान्त स्पेशल ट्रेन नम्बर 02248 आ साबरमतीनिफ्राय बेलासिनि 4.50 रिंगायाव महाशाना आरो पालनपुरनि गेजेरजों खारबोनायै फुनि 9.25 रिंगाया ग्वालियर आव सौफै गोन। बे ट्रेन आ ग्वालियरनिफ्राय मोनाबिलिनि 8.10 रिंगायाव खारलांफिन्नायै अखानायै फुनि 11.50 रिंगायाव सौफैगोन। मख'नो गोनांदि,

गिबियाव बे ट्रेन आ आहमेदाबादनिफ्राय खारोमोन। नाथाय आथिखालाव बेयो साबरमतीनिफ्राय खारसिमोन। मुम्बाइ सेन्ट्रेल-नइ दिल्ली राजधानी स्पेशल एक्सप्रेस ट्रेन नम्बर 02952 या बेलासिनि 5.00 रिंगायाव मुम्बाइ सेन्ट्रेलनिफ्राय खारगोन आरो बे ट्रेन आ फुनि 8.32 रिंगायाव दिल्लीयाव सौफैगोन।

## आबादारिफोरनि सायाव इनाय-अनागार खालामनायखौ राहुल गान्धी आरो प्रियंका गान्धी भद्राया दुखु फोरमायदों

गोदान दिल्ली, 28 नभेम्बर : कंग्रेसनि बारग' आफादिगिरि राहुल गान्धी आरो गाहाय सेक्रेटारि प्रियंका गान्धी भद्राया आबादारिफोरखौ दिल्लीआव फैनारनिफ्राय होबथानो थाखाय रैखाथि हान्जाखौ बाहायदों होन्नायै गोखों अजद लाबोयो। बिसोरनि बायदिल्ला सरकारआ शास्त्रीजीनि जय जवान, जय किसाननि धना होनायखौ लाजिफोनांनयाना हैदतनि आबादारिफोर आरो जवानफोरखौ लाजि फोनांनय जादों।



राहुल गान्धीआ दिल्लीआव फैनो नाजानाय सासे आबादारिफोर रैखाथि हान्जानि जवानआ लावथिजों बुनाय सावगारिखौ टुइट खालामदों। टुइटआव बियो लिरदोंदि, आबादारिनि हेंथायै गसंनय रैखाथि हान्जानि बे सावगारिया जोबोद दुखु नांथाव होन्नायै राहुल गान्धीआ टुइट

खालामदों। जोबोद दुखुनांथाव सावगारि। जौनि धना होनाय जय जवान, जय किसाननिमोन, नाथाय दिने गाहाय मन्थि मदिनि अहं कार आ जवानखौ

आबादारिफोरनि हेंथाय गसंहोदों। बेयो थारै नो दुखुनांथाव। फार्सेथिं प्रियंका गान्धी भद्राया बुंदोंदि, बिजेपि

सरकारआ हादतनि हालोदखौ नोजेर होथों। जेब्ला बिजेपिनि करडपति लोगोफोरा दिल्लीव फैनो अल्ला बिसोरनि थाखाय गोजा गाबनि कार्पेट बनाय जायो। नाथाय आबादारिफोरनि थाखाय दिल्लीआव फैनारनि लामाखौ होबथानाय जायो।

मख'नो गोनांदि, पान्जाब आरो हरियाणानिफ्राय गोबां अन्जिमानि आबादारि फर्सथानफोरा बावैसो पास खालामनाय आबाद आयेनि हेंथायै दिल्लीआव धना होनो थाखाय फेदोंमोन। बे समाव दिल्ली बडारआव आबादारिफोरनि सायाव दै

सारनानै आरो थियार गेस गावनानै बिसोरखौ होबथानो नाजादों। गोबां जायगाफोराव अन्थाय-बल्डार होथेनानै आरो हाखर जावनानैबो आबादारिफोरखौ होबथानो नाजादों, नाथाय आबादारिफोरा मानियाखै। आथिखालाव बिसोरनो माखासे सर्थजों लोगोसे दिल्लीनि बुराडौ ओन्सोलाव धना होनो गनायथि होदों, नाथाय आबादारिफोरा मानिना लानो थियारि जायाखै। आथिखालआव बिसोरनो गावसोरनि दाबि दैखानायजों लोगोसे सिन्धु बडारआवनो ज' जानानै दइ।

## पेट्रलनि बेसेनआ 82 रां बारबाय, डिजेलनि बेसेनाबो बारायदों

गोदान दिल्ली, 28 नभेम्बर : थाव कम्पानीफोरा दिनेबो डिजेल आरो पेट्रलनि बेसेनखौ बारायदों। बेनि गेजेरजों डिजेलनि बेसेनाव 26-28 फेसा बारायोब्ला, पेट्रलनि बेसेनाबो 21-24 फेसासिम बारायदों। आइअसिएलनि बायदिल्ला, 28 नभेम्बरखालि दिल्ली, कलकाता, मुम्बाइ आरो चेन्नाइयाव लिटारसे पेट्रल आरो डिजेलनि बेसेना ओरैबायदि सहरनि मुं डिजेलनि बेसेन पेट्रलनि बेसेन- दिल्लीआव डि. 72.13, पे. 82.13,



कलकाताआव डि. 75.70, पे. 83.67, मुम्बायाव डि. 78.66, पे. 88.81, चेन्नाइआव डि. 77.56, पे. 85.12 रां जादों। मख'नो गोनांदि, पेट्रल आरो डिजेलनि बेसेनाव एक्साइज डिउटि, डिलार कमिसन आरो गुबुन मुवा-बेदासफोरखौ सरजाबनायनि उनाव बेनि बेसेबां गासै 2 गुन जाहैयो। गुबुन हादतनि

रैखाथिजों लोगोसे हारिमायारि बाजारव कुडनि बेसेननि सायाव बिथा खालामनानै सानफ्रोमबो पेट्रल आरो डिजेलनि बेसेनआ सोलायबाय थायो। अयेल मार्केटिनि कम्पानीफोरा बेसेनखौ नायबिजिरनायनि उनाव सानफ्रोमबो पेट्रल आरो डिजेलनि रेटखौ थि खालामो। इन्डियान अयेल, भारत पेट्रलियाम आरो हिन्दुस्तान पेट्रलियामआ सानफ्रोमबो फुनि 6 रिंगायाव पेट्रल आरो डिजेलनि बेसेनखौ सोदांनानै फोसावयो।

## नेपालनि गाहाय मन्थिआ चीनखौ गोमो होदों

गोदान दिल्ली, 28 नभेम्बर: नेपालआ चीनखौ गावसोरनि राजखान्थिनिफ्राय जानगायाव थानो बिथोन होदों। नेपालनि गाहाय मन्थि केपि शर्मा अलीआ थानाय सप्ताहआव चीननि थान्दै होउ यान्कीनि सिगाडव बुंदों-गुबुन हादरनि हेफाजाब लायालासे गावनि पार्तिनि सिनि जेंनाखौ सामलायनो हायो। बिबानगिरिआ फोरमायदोंदि, अलीनि बिबुंथि होनाया नेपाल कमिउनिस्ट पार्ति (एनसिपि) आव जानो गोनां जाथायनि जाहोन जानो हागौ। बारग' गाहाय मन्थि पुष्पा कमल दहल प्रचन्डनि सामलायनाय पार्तिनि मोनसे हान्जाया अलीनि हेंथा जादों। एडसटीनि खौरांनि बादिल्ला, अलीआ गावनि हेफाजाबगिरिफोरनि सिगाडव बुंदोंमोनदि गाव पार्तिआव गावसालायनायनि थाखाय थियारि



जादों। चीनआ बेखौ होबथानो थाखाय हाबाफारि मावदों। चीनखौ आगुनि समाव एनसिपिआव सासे थान्दनि हाबा मावनायखौ नुनो मोननाय जादों। चीनखौ लानानै गाहाय मन्थि केपि शर्मा अलीनि आखु दिन्थिनाया एरैबादि समाव सोलायदों जेब्ला बियो गोदान दिल्लीजों लोगोसे सोमोन्दोखौ सुखानो थाखाय गोखोडैनाजदोंआरो कालापानी, लिंपियाधुरा आरो लेपुलेखआव

दरनैबो हादरफोरनि गेजेराव दान्थे-बिदान्थे जानायखौ सावरायलायनो थाखाय लोगो हमलायदों। भारतआव नेपालनि सासे थान्दैआ बुंदों-गाहाय मन्थि अलीनि आखु सोलायनाया हादररि एजेन्डाखौ फिन मोनो नाजानाय मानिनानै लानो हागोन, जाय 2018 आव देरहानायनि सिगां बनि अभियाननि गाहाय गुदि बिथामोन।

## दिल्लीआव करनानि गेजेराव मोजां खौरांखौ मोन्नाय जादों

गोदान दिल्ली, 28 नभेम्बर : करना भाइरसनि बांनय जेंनानि गेजेराव राजथावनि



दिल्लीनि सुबुंफोरनि थाखाय मोनसे रेहाय मोनारनि खौरांखौ मोननाय जादों। दिने फुनि 5.30 रिंगायाव दिल्लीनि अभाअल एयार क्वालिटी इन्डेक्सआ 104 जादों, जाय गोग्गो आबहावानि सरासन्त्रा थासारियाव दइ। जुदि थानाय शुक्रबारनि बाश्राखौ बुडोब्ला

दिल्लीनि अभाअलआ एकड 100 मोन, जाय गोग्गो गुनि थाखोआव गोग्लैयो। बावैसो समाव दिल्ली सरकारनि गेजेरजों फोसावनाय मोनसे बिबुंथियाव बुंनय जादोंमोनदि, राइज्योआव बांनय करना केसनि मोनसे गाहाय जाहोना आबहावा गुबुले जानायबो।

फैनो गोनां सानफोराव जुदि आबहावा गुबुले जानाय बेबायदिनो खम जायोब्ला दिल्लीआव करनानि थासारियाव सोलायनाय फेगोनखौबो आसा खालामनो हागोन। फार्सेथिं बोथोरनि बाश्राखौ बुडोब्ला फुनि 5.30 रिंगायाव बिदुंआ 11.60 डिग्री सेलसियास थिसन जादों। बोथोर बिफाननि बायदिल्ला शुक्र बारव दिल्लीआव बिदुंखौ 10.2 डिग्री थिसन्दोंमोन। बोथोर बिफाननि बायदिल्ला, शनिबार आव दिल्लीआव मेक्सिमम बिदुंआ 9 डिग्री सेलसियास आरो मिनिमम बिदुंआ 25 डिग्री सेलसियास थानो हागौ।

**Advertisement**

Walk in interview for the post of Research staff will be conducted on 4th December (Friday), 2020 at 10.00 AM Dept. of Medicine, Gauhati Medical College and Hospital for a Short-term research project at GMCH, Guwahati

Sl. No.	Name of the post	Number of post
1.	Scientist- B (Medical)	2
2.	Project Assistant	2
3.	Junior Nurse	1
4.	Field worker	2
5.	Research Assistant	1
6.	Lab Tech- III	2

Requisite qualification, age, and experience will be according to the norms of ICMR, Govt. of India as per corrigendum No. 16/1072008-Admn.II dated 4.10.2016 and is also available at the GMCH website.

Sd/-  
Principal-cum-Chief-Superintendent  
GMCH, Guwahati  
JANASANYOG/D/7630/20

**असम लोकसेवा आयोग**  
ASSAM PUBLIC SERVICE COMMISSION  
Jawaharnagar, Khanapara, Guwahati-22

**CLARIFICATION**

The attention of the Commission has been drawn to various news items published by a section of the news papers including by the Assamese daily 'Niyomiya Barta' in its issue dated 28<sup>th</sup> Nov., 2020 relating to the Combined Competitive Examination (CCE), 2018. The Commission hereby brings it to the notice of all concerned including the media that all the issues pertaining to the said Examination are still sub judice before the Hon'ble Gauhati High Court vide WPC (C) no.3228/2019 (Lead case).

Further, in pursuance of the order of the Hon'ble High Court dated 9.10.2020, the Commission conducted the interview for the said examination which was concluded on 27.11.2020. The Commission is taking utmost efforts to declare the results of the CCE(M), 2018 by taking the leave of the Hon'ble Court.

As such, the Commission hereby appeals to all including the print and electronic media to cooperate with the efforts of the Commission.

Sd/-  
Secretary  
Assam Public Service  
Commission  
Khanapara, Guwahati-22  
JANASANYOG/D/7648/20

## भारतआव कभिड-19 नि केसआ 93.5 लाख जादों

गोदान दिल्ली, 28 नभेम्बर : भारतआव थांनय 24 घन्टायाव कभिड-19 नि 41,322 गोदान केसखौ मोननाय

जादों, जायजों लोगोसे शनिबारव इनफेक्सननि गासै केसआ 93,51,109 जादों। फार्सेथिं आरोबाव 485 करना

बेरामिफोरा थैनायजों लोगोसे थैनायनि अन्जिमाया 1,36,200 जादों। बे खौरांखौ हाहाम देहा मावख'आ होदों।

No.DA/BTC/K/Dev-4/2020-21/835 Dated Kokrajhar the 26<sup>th</sup> November 2020  
Tender No - DA/BTC/K/e-Tender/2020-21/01  
PRESS NOTICE

The Director of Agriculture, BTC, Kokrajhar, invites bids for through e-Tendering process for supply of Summer Hybrid Maize, Vermi Compost and Chloropyriphos under Private Sector Farm, SOPD for the year 2020-21 for an amount of Rs. 322.00 lakhs (Rupees three hundred twenty two lakhs) only from registered Firms under the Department of Agriculture, Bodoland Territorial Council, Kokrajhar.

Details may be seen at <http://assamtenders.gov.in> and also at the office of the undersigned during office hours.

Sd/-  
Director of agriculture,  
BTC, Kokrajhar  
IPR(BTC)-54/2020



मावख'नि गेजेरजों बायदिल्ला हादतआव फोसावनाय अन्जिमानि आथिखालाव 4,54.940

सांग्राथि केसआ दइ, जेराव 87,59,969 बेरामिफोरा दासिमआव मोजां जाखबाय आरो बिसोरखौ रेहाय होबाय। हाहाम जाफिन्नायनि बिबाड 93.68 जौखोन्दो जादों आरो थैनायनि बिबाडा 1.46 जौखोन्दो जादों।

महाराष्ट्र आ दासिमआव गासै 18,08,550 केसखौ मोननायजों लोगोसे बयनिखुडुबो जेंना गोनांसिन राइज्यो जादों। बेवहाय गासै 89,025 सांग्राथि केसआ दइ आरो 46,898 बेरामिफोरा थैदों।

(□ 1 बिलाड़िनफ्राय)

### बि जे पि बिजाथिनि जानानै...

मन्थि ड० हिमन्त बिश्व शर्माआ। गसाइगावनि मरनै साहा बागानाव खुंनाय बिजाथिनि फोसावदिनाय मेलआव मन्थि शर्माजों लोगोसे राइज्योयारि बि जे पिनि आफादगिरि रन्जित कुमार दास आरो थानाय बावैसो साननि सिगां बि पि एफनिफ्राय बि जे पि दोलोआव हाबफेनाय बाराग' एम पि बिस्वजित दैमारि मोनहा बाहागो लादोंमोन। मरनै साहा बागान फुटबल गेलेग्रा फोथाराव खुंनाय बि जे पिनि हेफाजाब होनाय बिजाथिनो भट होनानै फैगौ बि टि सि बिसायख 'थियाव देरहानायजों बि जे पिआ सरकार दानायनि थाखाय राइज्योयारि आफादगिरि रन्जित कुमार दासआ गावनि बिबुंथिनि गेजेरजों फोसावो। मेलआव राइज्यो सरकारनि गोखों मन्थि हिमन्त बिश्व शर्माआ फैगौ बि टि सि बिसायख 'थियाव बि जे पि दोलोआ गोबां मासि देरहानानै बि टि सिआव सरकार दाफुंनो हागोना रोखा होनानै दाबि खालामो। मिरुआव आरो राइज्योयाव बि जे पि सरकार खुंथाया सोलिबाय थानायनि गेजेराव बि जे पिआ बि टि सि ओन्सोलाव सरकार दानो हायोब्ला ओन्सोलनि आदिबासिआरो सावथाल राइजो-राजाफोरनि जेंनाफोरखौ समाधान खालामना होनायाव गोरलै जागोन होन्नानै बुडो। बि टि सिनि राइजो-राजाफोरा जाहाथे थार बिजिरनाय मोनो, मोनफ्रोमबो थाखोंनि राइजो-राजाफोरा जाहाथे समान मोन्थायजों थानो हायो बेनि थाखाय बि टि सि बिसायख 'थियाव बि जे पिआ फसंनाय बिजाथिफोरखौ देरहाहोनानै खुंथायाव लाबोनाया जोबोद गोनांथार होन्नानै फोरमायो।□

### बि टि सि बिसायख 'थिनि ....

राइजो-राजाफोरनि गेजेराव फोसावनानै होनायखौ नुनो मोन्दों। शुक्रबारखालि आसामनि मन्थि ड० हिमन्त बिश्व शर्माआ कक्राझाराव बि टि सि बिसायख 'थिनि थाखाय गावसिनि मावनो लानाय थांखिफोरनि फोरमाय बिलाड़खौ फोसावनायनि उनाव दिनै शनिबारखालि कक्राझाराव थानाय लाइमोन इउ पि पि एलनि मावखुलियाव दोलोनि आफादगिरि प्रमद बर'आ खुंजानो गोनां बि टि सि बिसायख 'थिनि थाखाय गावसिनि मावनो लानाय थांखिफोरनि फोरमाय बिलाड़खौ फोसावनानै होनाय जायो। दिनै फोसावनय इउ पि पि एलनि बे फोरमाय बिलाड़आव सावमि, आबाद, सोलोंथाय, लाइमोन, आइजो, खौरंगिरि आरो बेकार जेंनाखौ लाफानानै गासै बिथिडव खामानि मावनयनि थांखि लानायखौ मख 'यो। बे फोरमाय बिलाड़आव बि टि आर गोरोबथानि गासै दफाफोरखौ आबुडै मावफुंनयखौबो मख 'फानाय जायो। दिनै फोरमाय बिलाड़खौ बेखेवखानायनि उनाव इउ पि पि एलनि आफादगिरि प्रमद बर'आ बे फोरमाय बिलाड़नि बागै सुंद 'थे खौरंगिरिफोरनि सिगाडाव फोरमायथिना होयो। फोरमाय बिलाड़याव मख 'नाय बादियै बिथां बर'आ फोरमायोदि, बि टि सियाव जाखलनाय उदां खालामनायनि राहा लागोन। लोगोसे बि टि सि ओन्सोलाव गासै हारि-हारिसाफोरनि सुबुंफोरनि थाखाय समान मोन्थायनि खाबु होगोन, बि टि सियाव बड 'लेन्ड हा आइन थिसन्नाय जागोन, बेकार लाइमोनफोरखौ खामानियाव थिसन्नायनि राहा, बोसोरसेयाव 1 लाख- 5 बोसोराव 5 लाख लाइमोनफोरखौ खामानियाव थिसन्नानि राहा लागोन, आसामाव थानाय माइन 'रिदि हारि, आदिबाशि, बर्मन बायदि हारिफोरनि थाखाय आलादायै जौगाखां बर्ड दानानै होगोन, हालामाव गोगो सोलोंथायनि आबहावा लाबोने थाखाय बड 'लेन्ड नलेटज कमिसन दागोन, बड 'लेन्ड स्वच्छ यजना बिथांखि जागायनानै गंसे नख 'र गंसे खिखरसालि लुफुंनयनि राहा लागोन, बि टि आर ओन्सोलाव खौरंगिरिफोरनि थाखाय खौरंगिरि अन्सुंथाय फान्ड दानानै होगोन, बि टि आरआव फैबाय थानाय समफोराव दरब्रै जिल्लायाव गं 100 फरायसालिमाफोर लुफुंनो, जायखि-जाया बेलायावनो जाखलनाय उदां आरो मोजां खुंथाय लाबोगोन होन्नानै आफादगिरि प्रमद बर'आ फोरमायथियो।□

### आसाम सत्र महासभाया .....

गुबुन आफाद आफाद फसंथानजों लोब्बा थाबोदोंमोन। गांसे दुखुनि रदाव बिबुंसारनि गेजेरजों आसाम सत्र महासभानि बिबानगिरिफोरा बिथानि जोबथा रंसारि जानायखौ गोथौ दुखु मोन्नाय फोरमायदों। मख 'नो गोनांदि, 2015 माइथायाव सत्रिया हारिमुनि फोथाराव रायखोंजाथाव बिहोमा होनो हानायनि थाखाय सत्र समाजआ सत्र गौरव सन्मान होनाय जादोंमोन।□

### राइमनाखौ आसामनि 6 थि ....

गोदान नेसनेल पार्कखौ मानास नेसनेल पार्कनि बेन्दोंयाव थानाय मथनगुरिआव फसंनाय जादों। मख 'नो गोनांदि, दासान्दि आसामआव मोन 5 नेसनेल पार्कफोर दड। बेफोर जाबाय काजिरिड नेसनेल पार्क, मानास नेसनेल पार्क, नामेरि नेसनेल पार्क, अरां नेसनेल पार्क आरो डिब्रू-सैखवा नेसनेल पार्कफोरनो गाहाय।□

# इशोर

इशोर आं नोंखौ खुलुमो सिबियो अराय सम अराय दिन गले गले। आरज गाबो आं सम सम नोंखौ गोसोखां गोसोखां फुं मोना। हास्थायो आं नोंखौ मोन्ने अराय खाथियाव। लुबैयो आं नोंनि अन्नाय आरो अनसायनाय अरायबो नोंनिफ्राय। अनसायहरदो गसाय नोंनि थायनै मेगनजों आंखौ नायहरनानै। लानो होदो गसाय नोंनि खाथियाव आंनो गोजोन देरा।

**अभिनास बसुमतारि सामथाइबारी।**

# अनजुलि रजे

-उतजल ब्रह्म

अनदोंमोन नों रजे सिबिदोंमोन नों दिनै.....॥  
मानि थाखाय माखौ लाना, मा सानानै, गोबोंयाव दावदाव दोनलांखो; बुजि मोना-मोना हमस 'नो हाया, हमदां हाया उदां जीउयाव खालामलांबाय नों; दाहा गलांबाय बायफलेनाय गैयै संसाराव। नोंनि सिबिनाय, नोंनि फोथायनाय बोजोबदोंमोन आं रजे; दिनै.....!!  
मानो नाजाव दिया आंनि अन्नाय। मिथिबाय रजे; बेफोर सम आरो मुगानि भावथिना गोबों बिखाया गावलांबाय बायफलेलांबाय गोबों गोसोया नंखाय जीउनि दिड जावलांनायाव मिथिबाय, बे नंखाय मोजां मोन्नायनि गेजेरजों गोसो गोबों जीउ सोलेरा बायफलेलांबाय देहा सोलेरा लोरबां जालांबाय गोसोनि मिजिया लैथोयाव दोबैलांबाय गोजावलांबाय रजेया बुर्लु बुथुराव जानांबाय आ गोदाव सोराव।

## फैदो जों बयबो खौसेये

जेराव अनलायनाय फोथायलायनाय गैया बेवहाय गोजोन्नाय थाया जेराव खौसेथि गैया बेवहाय जौगानाय थाया। बेखायनो मुलुग संसारनि दुलाराय बर हारिआनो फैदों जों बयबो खौसेये। अनलायनायनि माला सुजुदिनि अनलायनायनि माला सुजुना गावनि गाव अनसेमाजों फैदों जों बयबो खौसेये। गासै बर हारिमा लामा दोंसेयाव गावजों गाव फोथायथिखौ दिदोम दाद खालामना फैदों जों बयबो खौसेये। हारि महरै नखर खुंलांदिनि थार गियानखौ आर्जिना गोदान मुगानि सोलोंथाय बादायलायनायनि गेजेरजों फैदों जों बयबो खौसेये। सोलोंथायनि गियान लास्रोदिनि सोलोंथायनि गियानजों गावनो गाव बुजिलायनायनि गेजेरजों दुलाराय बर हारियानो। खौसेथि सुजुदिनि गासैबो बर' हारियानो दोंसे लामाजों आगान सुरदिनि फैदो फै बर' हारियानो खौसेथि जाफिनदिनि दुलाराय बर हारियानो राइजोखौ लाइफिनदिनि

**प्रदीप कुमार बसुमतारि फरायसालि:-हेल गोजौ फरायसालि थाखो:-गु( 9 ), ला:सो:-गंडिया। जिल्ला:-कक्राझार।**

## आंजि जीउआ मानो ?

गोसोनि सान्नाय गोसोआव थाफिनबाय सान्नायखौ फोरमायनो माबोरै ? सोर सैथो होनो नाथाय सहानो हाया जायो। मेगननिफ्राय बोहेयो निजिरा जानानै, होबथानो हाया जायो बे आंनि गोबों गावनानै फैनाय मोदैन बेसेन गैयै दाहारखौ। बै सम आरो हालोदआ आंनि जीउ सोलेरखौ सहाय नांहोयो। आंनि दुखु थिया जीउआव मा मैया नुजा फैखो सानाखैमोन आं जीउआव बेबादि सहायनांगोन।

**मिस सिमा ब्रह्म**

# रंजालि गथ' फोरनि सौरा

## दाजाब दावख' दादुरा सैमा

दाजाब दानखखौनो लाना थायो जों आला-खाला जाना थैनाय, थानाय, दुखु दाहा सुखु गोजोन, गाबनाय मिनिनाय, बुलाय, सुलाय, बेराम देहा, सुखुनि देहा, देखोनि जिउ, सिमांनि जिउ बेफोर गासैबो जोंनि दाजाब दानख'सो। बेवहाय जोंहा समाय नांगौ, दुखु मोननांगौ गैया बहुमारिफोर। थै बहुमारिफोर दाजाब दानख'ब्लाबो, जों मोनसे लामाजोंनो थानो जायलामानि थाखाय जों साननानै दुखु मोनब्लाबो जों बे लामाखौ नागारनो हाखाया नागारनो सानब्लाबो, बहुमनि, दाव, जिब, एमफौ, बिफां-लाइफां जों गासैबो मानोबा बे मोनसे लामाखौ लानानैनो नारा-नाथा, मानोबा होंगो-दोंगो दाजाब दानख' जानानै दसे। बे संसारनि साया बहुमाव।

**रातुल बर' थाखो- बि ए नैथि बोसोर गामि- कलह बारी ला:सो:- आथियाबारी जिला- बागसा बि टि ए डि आसाम।**

## दुखुनि हांमा

मानो नागार लांखो नों समायना..... ? खोथा गैया बाश्रा गैया दाय गैया फोदै गैया नेवसि लांबाय नों आंखौ अन्थाइ बिखायै। इसेल ' नडामोन आंनि नोंखौ अन्नाया नंखाइ नडामोन आंनि नोंखौ हास्थायनाया खेला नडामोन नोंखौ मोजां मोनन्नाया। बै समनि नोंनि बुंनाय रावखौ गोसो खाडै-खाडै सान हर मेगनाव मोदै खुगायाव खुदै सोमजि होबाय नों दिनै नाथाय नोंबो इसेबां गिदिर समाय लानायखौ गियाखिसै नामा... ? नेवसिनो सानोब्ला मानोथो मोजां मोना समायना... ? ? नों आंखौ अन्थाइ बिखायै नागारलांबाय समायना..... !!! गालांबाय नों आंखौ बे संसाराव हारसिडै रावबो गैला आंहा बे संसाराव आंगो होननाय.....!!!!

**मुस्रि देरहासार ब्रह्म गामि- गसाइगाव मालागुरि थाखो-मेट्रिक आन्जाद**

गोजांनयनि जारलायाव लान्जाय फायश्रमनानै उन्दुना दड सोरबा अर सायलांनय हांगार खाथियाव। सोरनिबा मोदोमा दादु जानाय बिगुर गैयै लंथं -लंथं खारगासिनो दड मेंनाय बानायखौ नागारनानै। लामा सेरनि बै जाबोर दामोलाव दाखुरा सैमाया उदैन जारलायाव..... आवथालि फावथालि समाइना भावजों अरलु गासिनो दड थरसे मानिबा गोरान हारा, सोरबा अरसिनो नाजादों जुथा गिजिखौनो माबाफोर गैयै जुनारनि गेसाव बिगुर सान्नाय, थरथिसे मिलौदो बिदै मोनजानायनि आसायाव सोरनिबा खाफालाव बेबो गैबाबा, खायसे गावजों गाव अरलायदों। खबसे आदारनि थाखाय बरादिनि लिरनायाव खायसे सैमाया..... मानसि महरयै गाखो लांफादों सोरनिबा जिबसि गारियाव, सिउ-सिउ बुदेर फानाय गारिनि बारा गोजां होबावदोंमोन दादु जानाय बै सैमाखौ। गावसिनि हावरिया सैमाफोरखौ नुनानै जंखायलांदों गारि सानिफ्राय ! बाइ बाइ दस्त।

**खातारी जौटि कक्राझार मिउजिक फाइन आर्ट कलेज**

## सिमां

सोरं जेन्नायनि आलाय आरनाव बायदि गाबनि गोमो-गोजा रिथिखांबाय आंनि भुम लांगोनायाव ; आगर गुबैनि रोमोदो दखना गान्नाय साद-दान्दालि रिस्म खानायखौ हगारसारना, मंगलिया गाबनि जारौ खाफालाव गोजा फोथा थुना महि सुरद'-सुरद' नुजाथि फैबाय नों अनजालि संसारखौ सोरां होफैबाय ; नोंनि महरखौ नुनानै मुहिनि नांबाय गोसोआ आंनि खामलि लाडो नोंनि सायाव बैसागनि सिमब्रेनाय बारजों सिरिलाडो गोरलै बिलाय सहायनो हाया ; फुंबिलिनि जायखलं समायना गोजों मिजिं जौमोननि दागलाबसे जोमै खोबथे फैना खालामबाय आनलेद। फागुनिनि जावलिया बारजों मानदार मोनहाबो बोदोर जायो- आंनि गोसोआबो मानिबा सिमां नुयो। सोरगोनि अलंबार नों अराय मुहिना गोरबो गावो, हासथायो बावलि गोसोआ Dirty (दाखोरबारि) निफ्राय माबोरै मोनहरनो! समाय-मदरा आंदि Compare (रुजु)जाथाव। सोरां जेन्नायनिफ्राय अनजालि साना बराय-बराय लांथोंसे सोनाब रुबैसिम जीउनि आंगो सान्नाय मोखां फांथेनाय बे रुंनु फारसे दिडखौ जावलांनो सानलावरिआ दाख्राय-दाख्राय थिनबाय। (Hearty) गोबोंजों मोजां मोन्नाया अलंबार रजे नोंनि खोराम खोराम सारअनथाय गावनायाव गोसोखौ लोरबां-थोरबां खालामलांनो मानोबा गिदिं फिनो बे लामाजों फैया नों ; गोसोआव दाजाब-दानख' जाबावब्ला गारिल लां खेब-खेब मोदोम साजों आं लामानि अनथाय। सान हाबनायनि सिगां आं खावलायो अलंबार मिथिस्ताबै नोंनि जेआव गोग्लैना दोंसे खन्थाय सुजुनायाव गोरोन्थि जादोंब्ला निमाहा होदो!गोमो-गोथां सान्नाय गैया। फुरनिमा नोंखौ गोसो थोनाया नोंखौ हासथायनाया जुगे-जुगे थाबाय थागोन दाखोर बारियावबो गोमोर लाड। हादि रजे..... गैयादि रजे नोंनि अनगायै थिनहरदों गिरिया दिन्थिनो संसाराव नोंनि आंनि भावथिना गोसो मोनसेनि। खोम्सि मुलुगखौ गाग्लेम-गाग्लेम लाबोगोन आं नोनि सोरांखौ हायो-हाया नेनानै थाबाय आंगो देरायाव.....

**बिजयसिं बसुमतारि कक्राझार कलेज।**

## माजुलिनि दै बाना आरो हा खुरखानायखों होबथानायनि मोनथाम बिथाखि बेखेवदों

बे बिथिडव जों गोबां आवगायनो हादों। माजुलिनि रइजो-रजाफोरनि अन्नाय आरो हेफाजाबजों फैगों समाव जॉं साफ़्रोमबो मोनसेसैथेनो जानानै खामानि मावलांनांगोन। दिनै माजुलिनि कर्तिपाराव रइज्योयारि खैफोद होबथाग्रा फरसंथाननि बान्जायनायाव आरो रइज्यो सरकारनि सुबुं लुफुंग्रा बिफाननि गेजेरजों 2.51 कौटि रं बाहायनानै लुफुंनो लानाय कर्तिपारआव दै बानायाव आस्रय लाग्रा न'नि अन्थाय खाम्फाखों गाइसनान्नाै बेनि लोब्बायै खुंनाय मेलआव बिबुंथि लाखिनानै गिबि मन्श्रि सर्बानन्द सनवालआ बेबायदि बाश्राखों बुंथियो। दिनैनै बे हाबाफारियावनो गिबि मन्श्रिआ रइज्योयारि खैफोद होबथाग्रा राहायारि पुन्जिन 3.60 कौटि रं बाहायनायजों मावफुंनो लानाय गरमुर ओन्सोलनि हा खुरखानायखों होबथानाय बिथांखि, रइज्योयारि खैफोद होबथानाय राहायारि पुन्जिन 2 कौटि रं बाहायनायजों मावफुंनो लानाय कर्तिपार ओन्सोलनि हा खुरखानायखों होबथानाय बिथांखि आरो रइज्योयारि अग्रदिकार जौगाखां पुन्जिन 3.32 कौटि रं बाहायनायजों मावफुंनो लानाय आहतगुरि ओन्सोलनि हा खुरखानाय होबथानाय बिथांखिनि खामानिखों हाबाफारि बायदियै गोजोनै जागायजेनो। बेनि लोब्बायै खुंनाय मेलआव बिबुंथि लाखिनानै गिबि मन्श्रि सनवालआ बुडोदि, थांनाय 1951 माइश्यानिफ़्राय फारियै खैफोद महराव दै बाना आरो हा खुरखानाय जेंनाया रइज्योनि थासारिखों थोजासे सोलायहोदों। बेजों लोगोसे बे जेंनाफोरखों रइज्योयारि, माहारियारि थाखोयाव लानायनि थाखायबो गोबां बोसोर नाडै आसामनि रइजो-रजाफोर दाबि खालामबोदोंमोन। आगुनि कंग्रेस सरकार गावनि 55 बोसोर खुंथायनि समाव बे जेंनाफोरखों गोनांथारै बोख़ाना होयैयाव बे जेंनाया जेंनायैनो थादों। नाथाय आधिखालनि गाहाय मन्श्रि नेरन्द्र मदिनि दैदैन्याय मिरु सरकार थांनाय 2017 माइश्याव गुवाहाटीआव जानाय मोनसे गोनां जथुमायाव बे जेंनाखों अरायथायै समाधान खालामनायनि बाश्रा होदोंमोन आरो बेनि उननि समाव निती आयगनि आवथयाव सा-सान्जा ओन्सोलनि रइज्योफोरनि थान्दैखों लानानै माहारियारि थाखोयाव मोनसे कमिटि दाफुंना होदोंमोन। जाहाथे दै बाना आरो हा खुरखानाय जेंनाफोर अरायथायै समाधाननि गेजेरजों फैगौ। बे कमिटिआ बे जेंनाफोरखों समाधान खालामनायनि थाखाय नर्थ इष्ट वाटर मेनेजमेन्ट अट'रि्टी दाफुंनायनि गनायथि होदों। दै सम्फद बिफानआबो बे आयदारखों मोनसे आयेन महरै थाबैनो पालियामेन्टआव थांखि देख़ाना बे जेंनाफोरखों अरायथायै समाधान खालामगोन होन्नानै गिबि मन्श्रिआ बाश्रा होदों। गिबि मन्श्रि सनवालआ लोगोसेयै बुडोदि, सिगाडव दैमानि हा खुरखानायखों खैफोद होबथाग्रा फरसंथाननि सिडव थिसन्नाय जायाखेमोनब्लाबो 15 थि रंखान्थि आयगआ बेखों गोनांथारै खैफोद होबथाग्रा फरसंथाननिसिम थिसन्नायनि गनायथि होनाय जायों। बेनि गेजेरजों रइज्योनि हा खुरखानायखों होबथानायनि थाखाय मिरुनिफ़्राय बांसिन रं पुन्जि मोन्नो हानायनि लामायाव फैबाय होन्नानै गिबि मन्श्रिआ बुंथियो। आधिखालनि बि जे पि दैदेन्नाय मिरु सरकार आरो रइज्यो सरकार लानाय जुथायै नाजानायनि थाखायनो बेफोर बायदि फिथाइ गोनां हाबाफारिया मोगथाडव जाफुंसारनो हादों होन्नानै गिबि मन्श्रिआ बुडो। बिथाड गावबो सासे दै बानाजों गोहोम गोलैनाय ओन्सोलनिफ़्राय फैनाय सुबुं होन्नानै रायख़ाना गिबि मन्श्रिआ दै बानानि समाव रइजो-रजाफोरा खैफोदनि सायाव मोजाडै उनसदान्नो हागोन होन्नानैबो बुंथियो। बेनि थाखाय रइज्यो सरकार रइज्योनि दै बाना गोहोम गोलैनाय मोन 6 जायगाफोराव दै बानानि समाव आस्रय लाग्रा बादा फरसनायनि राहा लादों होन्नानैबो मिथिहोयो। बेजों लोगोसे माजुलिनि आहतगुरिआव दै बानाजों भुगिनांनय रइजो-रजाफोरखों राहा सुंनायनि थाखाय एबा बोख़ानायनि थाखाय रइज्यो सरकार 2.73 कौटि रं बाहायनायजों मोन 22 दै बानानि समाव आस्रय लाग्रा बादाखों फरसनायनि राहा लाबाय होन्नानैबो बुडो। गिबि मन्श्रिआ बेफोर मोनफ़्रोमबो बिथांखिखों मावफुंनायनि बिथिडव रइजो-रजाफोर सांघां नोजोरजों गोनांथार बिफाव लानो थाखायबो फोसावो। गिबि मन्श्रिआ लोगोसेयै माजुलिनि थांगिबि रइजो-रजाफोरखों अरायसम गोजोनै थानानै रइज्योजों लोगोसे माजुलिखों जौगाखां होनायनि बिबान लानो थाखायबो फोसावो।

हाबाफारियाव बिबुंथि लाखिनानै रइज्योयारि आरो खैफोद होबथाग्रा राहायारि बिफाननि रइज्योयारि आरो सुबुं लुफुंग्रा बिफाननि मन्श्रि जगेन महनआ गावनि बिबुंथिनि गेजेरजों थांनाय सरकार माजुलिनि थाखाय जरखा जेबो खामानि मावाखै होन्नानै अजद खालामना बुंबावोदि, आधिखालनि सरकारनि समाव माजुलिनि जौगानाया गोखै थांगासिनो दं। मन्श्रिआ लोगोसेयै दिनेनि अन्थाय खाम्फा गाइसन्याय दै बानानि समाव आस्रय लाग्रा न' लुफुंनाय खामानिखों थाबैनो मावफुंनाय जागोन होन्नानै बुडो। आधिखालनि सरकार हारि, हा रैखाथिनि बिथिडव गोनांथार राहा लानानै दासिम 1 लाखनिबो बांसिन हा गैजायै ट्राइबेल नख 'रफोरनो हानि पाट्टाखों रनान्नाै होदों होन्ना बुंबावोदि, बे सोलिफु बोसोरनि फैगौ डिसेम्बर दाननि गेजेरावबो आरोबाव 1 लाख हा गैजायै ट्राइबेल नख 'रफोरनो हानि पाट्टाखों रनान्नाै होनायनि राहा लादों होन्ना मिथिहोयो। मख 'नो गोनांदि, बि जे पि दैदेन्नाय सरकार अरुनदय, स्वयम बायदि देदेर बिथांखिफोरखों आजावना लानानै सरकार बेंगुय, रान्दि, बोराय-बुरि, बायदि साफ़्रोमबो थाखोंनि सरसनस्त्रा सुबुंफोरनि जौगाखां होनायनि सायाव गोनांथार नोजोर होनानै गुबुन गुबुन मुलाम्फायाारि बिथांखिफोरखों आजावना लादों होन्नानैबो मन्श्रिआ फोरमायो। दिनैनै बे हाबाफारियावनो बिबुंथि लाखिनानै लक्षीमपूर लक सभा बियाबनि एम पि प्रधान बरुवाआ कर्तिपार ओन्सोलाव लानाय रइज्यो सरकारनि बे हाबाफारिया बे ओन्सोलनि रइजो-रजाफोरखों थोजासे हेफाजाब होनो हागोन होन्नानै बुडो। आधिखालनि बि जे पि दैदेन्नाय मिरु सरकार गिबि मन्श्रि सर्बानन्द सनवालनि दैदैन्यायव नांथाव नाजानायखों गोजोन्नाय फोरमायनानै माजुलिखों माहारियारि राजा लामाजों फोनांजाबहोनाय बायदि गोखों जौगानायनि राहा लादों होन्नानैबो मिथिहोयो। माजुलि जिल्लानि खुंगिरि बिक्रम खैरिआ बराय बिबुंथि लाखिनाय दिनैनै बे हाबाफारियाव दिउरि गावखुंथाय गौथुमनि गाहाय मावफुं सोद्रोमा मादब देउरि, माजुलि जिल्ला गौथुमनि आफादगिरि पाफु दत्तहाजरिका, आर्टफेडनि लेडइ आफादगिरि रुपा कामानजों लोगोसे ओन्सोलनि गोबां मानिजाथाव सुबुंफोरखो बाहागो लादोंमोन।□

## करना भाइरासनि हेंथायै जुजिनायाव गोहो गोरा हादतफोरनिखुइबो भारतआ सिगाडव

थांनाय 28 नभेम्बरसिमाव भारतयाव 1 मिलियन सुबुं सानखोनि गेजेराव 6,731 पजिटिभ मोन्नो हादों। बेजों रूजुनायाव इउएसआव 1 मिलियन सुबुं सानखोनि गेजेराव 40 रोजा सुबुंफोरनाव करना पजिटिभ मोन्नो हादों। बेबायदिनो ब्रिटेनआव 1 मिलियन सुबुंफोरनि गेजेराव 23,361, फ्रान्सआव 33,424, ब्राजिलआव 29,129, इथालियाव 25,456 सुबुंफोरनाव पजिटिभ मोन्नो हादों। ऐरनोथ' गुबुन हादतफोरजों रूजुनायाव थैनायनि बाश्राखों रायखाडोब्ला भारतयाव 1 मिलियन सुबुं सानखोंनि गेजेराव 98 सुबुंनि जिउ खहा जादों। बेबायदिनो आमेरिकायाव 1 मिलियन सुबं सानखोनि गेजेराव 813, ब्राजिलआव 805, फ्रान्सआव 780, स्पेनआव 955, ब्रिटेनआव 846 आरो इथालिआव 888 सुबुंफोरनि जिउ खहा जादों। बेफोर हादतफोराव भारतनिफ़्राय खमैबो 8-9 गुन बांसिन सुबुंनि जिउ खहा जादों। मुलुगनाडै करनाखों होबथानाय सरकार आरो फरसंथानफोरजों भारतआ बयनिखुइ गोख्रैसिन खामानि मावदों। बिदिन्थि महरै 7 जानुवारीआव चीननि उहानआव भाइरास गोसारजेन्नाय खौरांखों मोन्नायनि सानसे उनावनो थामहिनबा 8 जानुवारीखालि भारतयाव मोनसे मिसन जथुमा जादोंमोन। मुलुगनि गेजेराव बयनिखुइ गिबिसिनाव भारतयाव 17 जानुवारीनिफ़्राय दावबायारिफोरखों स्क्रिनि खालामनायखों जागायदों। 30 जानुवारीयाव भारतयाव गिबि करना पजिटिभ मोन्नो हादोंमोन। बे समसिमाव करनानि हेंथायै जुजिनो थाखाय भारतया साखा-फारा जाखाबायमोन। बेनि अन्गायैबो भारतया आर टि-पि सि आर आन्जादफोरजों लोगोसे रपिड एन्टिजेन टेस्ट जागायजेन्नाय गिबि हादत जानो हादों। दासिम भारतया 15,362 कभिड-19 सावस्रि राहा, खमैबो 15.40 लाख आइसलेसन बेट, 2.70 लाख अक्सिसन बेट, 78,000 आइसिइउ बेट आरो सरकारि देहा फाहामसालिफोराव 32,400 भेन्टिलेटर जगावनाय जादों।□

## मुलुगनाडै करना भेक्सिन दैथायहरनो थाखाय चार्टार्ड फ्लाइटखों जागायबाय

बिहोनायखों जागायदों। वाल स्ट्रिट जार्नेलनि सुलुंनिफ़्राय बे आयदानि बागै खौरां मोन्नो हादों। सुलुंनि बादिब्ला फाइजरआ भेक्सिननि गिबि बेसखों मिसिगन आरो बिस्कानसिननि गुदामफोराव दोनथुम्रोगोन। ऐरहाय बेल्जियमा आरो जार्मनीयावबो करना भेक्सिनखों दोन्नो थाखाय गुदाम खालामगोन। जुदि बे भेक्सिनखों सरकारनिफ़्राय गनायथि मोनोब्लानो लोगो-लोगो गोख्रैये मुलुगनि गासै हदतफोराव सौहैहोनायनि थाखाय चार्टार्ड फ्लाइटसफोरखों बाहायनाय जागोन। फाइजरआ आमेरिकायाव भेक्सिननि रेजिस्ट्रैसननि थाखायबो एफ्लाइ खालामबाय। बेराफासं मोनसे रिपर्टनि बादिब्ला आमेरिकायाव 1 दाननि गेजेरावनो हादतनि देहा फाहामसालिफोराव थिसन्नाय करना सन्देरनाय रुगिफोरनि बिसानआ 2 गुन बांसिन्दों। मुलुगनि बाश्रा बुडोब्ला दासिमाव करना सन्देरनाय सुबुंनि बिसानआ 6,19 कौटिनि बारबाय आरो 14 लाख 48 रोजानि बांसिन सुबुंफोरा बे भाइरासजों गग्लोबजानानै जिउ गोमाबाय।□

## मिरु मन्श्रि साध्वी निरन्जन ज्यतिनि देहायाव करना पजिटिभ

मोन्नायनि बागै ससेल मिडियानि गेजेरजों फोसावदों। बिथांखों गिबियाव कानपुरनि एल एल आर देहा फाहामसालिनि आइसिइउआव सिफ्ट खालामनाय जादोंमोन। देहा आन्जाद खालामनाय समाव हमदांनो हादोंमोनदि, बिथांनि देहायाव करना सन्देरनाया रोखा जादों।बिथांनि देहाया हर गेजेरसिमाव सोलायनाय फैयाखैमोन। जायनि थाखाय मन्श्रिखों दिल्लीनि एम्सआव दैथायहरनाय जायो। मख 'नो गोनांदि, भारत हादतयाव दासिम करना सन्देरजानाय सुबुंनि बिसानआ 93.51 लाखसिम जाहैबाय। ऐरहाय 87.58 लाख सुबुंफोरा बे बेरामनिफ़्राय फाहामथाय लानायनि उनाव मोजां देहायाव फैफिनबाय। बेराफासं दुखु नांथाव बाश्रादि, बे गिखंथाव भाइरासजों गग्लोबजानानै दासिम सा 1.36 लाख सुबुंफोरा जिउ खहा जाखंबाय आरो दासिम 4.53 लाख करना रुगिफोरखों फाहामथाय होगासिनो दं।□

## उदालगुरिनि बाघखवा बस्टिआव मैदेरनि उत्खाराव सानै सुबुंनि जिउ गोमादों

गोयै लानानै जिउ खुंनायजों जिंगा सिनाय फोरमायदों। जाथायनि बागै जायगानि सुलुंनिफ़्राय मिथिनाय बायदिब्ला थांनाय हरनि 10.00 रिंगायाव उदालगुरि जिल्लानि पानेरि पुलिस थानानि सिडव थानाय बाघखवा बस्टिआव मैदेर आरो सुबुंनि गेजेराव मोनसे उत्खार खालामनाय जाथाया नुजाथिदों। बे जाथायावनो जायगानि सानै सुबुड ज़िउ ख'हा जायो। जाथायाव जिउ ख'हा जानाय भेन्सेन्त तिरु (55) आरो प्रकास तेरु (23) बिसोर सानैखौ नख 'रसेनि सुबुं होन्नानै मिथिनाय जादों। जाथायाव गोब्राव जोखोम मोन्नाय प्रकास तेरु मुंनि लाइमोनखों फाहामथाय होनो थाखाय सिगाडव मंगलदै सिभिल देहाफाहामसालिसिम लांनाय जादोंमोनब्लाबो नाथाय लाइमोननि देहा हालोदआ गात्रिसिन जानायाव थोंजोडै गुवाहाटीनि जि एम सि एइचआव लांनाय जायो। नाथाय फाहामगिरिया लाइमोनखौं थैबाय होन्नानै फोसावो। जायगानि सुबुंफोरा जाथायखों लानानै मिथिहोनाय बायदिब्ला हाग्रा बिफाननो जाथायनि सायाव खौरं हरनायनि उनाव हाग्रा बिफाननि मावफारियाफोर जाथाय थिलियाव सफैनानै गोथे सह 'खों बोखाडो। मख 'नो गोनांदि, सानफ़्रोमबो बे रोखोमनि मैदेर आरो सुबुंनि गेजेराव बेबायदि मिथावनमा महर लानायखों पानेरि दख 'रा आसाआ थाबैनो आसाम सरकारखों गोनांथार राहा लानो फोसावनायजों लोगोसे जाथायाव जिउ गोमानाय सा 2 सुबुंनि नख 'रनो ख'हाथि सुफुंनंगौ होन्नानै दाबि खालामो।□

## एबसुनि दैदेन्नायाव मोन 16 हारियारि आफादफोरनि सुबुं मेल खुंदों

ओंथि गैयै बाश्राफोरनि सायाव गुवारै मिथिहोनानै जेंनागोनां बाश्राफोरखों फोसाबना होयो। 3 थि गोजोन बर' गोरोबथानि दफाफोरखों फारि-फारियै मावफुंलांनायजों लोगोसे फैगौ 7 डिसेम्बर आरो 10 डिसेम्बराव खुं जानो गोनां 4 थि बि टि सि बिसायख 'थियाव गोरोबथानि दफाफोरखों मावफुंनो बाश्रा होनाय राजखान्थि दोलो एबा इउ पि पि एल दोलोखों फैगौ बिसायख 'थियाव मदत होनो थांखि लानाय जायो। बे मेलआव मोन 16 आफादनि थान्दैफोरजों लोगोसे गोबां रइजो-रजाफोरबो बाहागो लादोंमोन। मेलआव दुलाराय बर' फरायसा आफादनि आफादगिरि दिपेन बर'आ खौरंगिरिनि सिगाडव फैगौ समफोराव खौरैसैयै रइजो-रजाफोरखों सिगां फासरे आगान सुरल्लानो फोसावो। बर'आ बुंबावोदि, इउ पि पि एल दोलोआ बि टि आर सरकार दानो हायोब्ला ओन्सोलनि ट्राइबेल बेल्ट एन्ड ब्लकआव थानाय ट्राइबेल नडै सुबुंफोरखों गुबुन जायगायाव थांनांगोन होन्नानै पृथ्विराज नारायन देब मेचआ खौरं बिजोंनि सिगाडव बांसावनाय बाश्राखों नेवसिगारानानै बुडोदि, बिथाड गावसो बि टि आरनि गुबुन हारिफोरखों होखारनो कर्टआव आपिल खालामदोंमोन। बि टि आर गोरोबथायाव बेबायदि गुबुन हारिखों होखारनायनि जेबो दफायनो गैया होन्नानै रोखा खालामो।□

## सालबारि इउ पि पि एल दोलोनि बिसायख 'थि फोसावदिंनाय मेल

दैदेन्नायाव जानाय बिसायख 'थि मेलआव जितेन तालुकदार, कनक मेडि, रन्जित कलिता, दयमर्ति तालुकदार, प्रनिता तालुकदार आरो गोबां मानिजाथाव सुबुंफोरजों लोगोसे गासै सा 42 हौवा-हिन्जावफोर इउ पि पि एल दोलोआव हाबो। दिनै सनपेराबरिआव खुंनाय गुबुन मोनसे इउ पि पि एल दोलोनि बिसायख 'थि मेलआव भवेस पाटक, बास्कर पाटक, अनकुर दासजों लोगोसे गासै सा 37 अबर 'नि हेफाजाबगिरिफोर इउ पि पि एल दोलोआव हाबफैयो। बेनि अन्गायैबो सियालमारनि बाथी मन्दिराव खुंनाय गुबुन मोनसे बिसायख 'थि फोसावदिंनाय मेलआव सा 16 बि पि एफ दोलोनि हौवा-हिन्जाव मदतगिरिफोर इउ पि पि एल दोलोआव हाबो। गुबुन मोनसे रायख़ांजाथावदि, आनन्द बाजारव खुंनाय बिसायख 'थि मेलआव बिजाथि बिनद मुसाहारिआ बि पि एफ आरो अबर' आफादनि एबा गन' सुरक्षा पार्टी दोलोनि हेंथायै गोखों रावजों सावरायनानै बुडोदि, थांनाय 17 बोसोराव बि पि एफ दोलोनि दखलाव थानाय आरो अबर' आफादनि दखलाव थानाय सानै बिजाथि एबा एम सि एल ए रन्जित केरकातारि आरो चक्रधर दासआ जौगाखां होनायनि सोलायै मोनफ़्रोमबो थाखोंनि रइजो-रजाफोरखों थगायनायनि थाखाय बियाबनि साफ़्रोमबो भ्टयर रइजो-रजाफोर जौगानायनिफ़्राय खोबसिन जानानै दं। थांनाय 5 बोसोराव सालबारनि अबर' आफादनि एम सि एल ए चक्रधर दासआ जौगानायनि थाखाय सरकारनि खाथियाव खेबसेबो रइजो-रजाफोरखों नोजोर लाखियाव्खै अदेबानि बर'-अबर 'नि राजखान्थि खालामनानै सुबुं समाजआव दुंहाव थासारि खालामनोसो नाजादों। चक्रधर दास बायदि थगायग्रा, फेलें जानाय थान्दैखों बे खेबाव अबर' रइजो-रजाफोरबो बुजिनो हाबाय आरो 80 जौखोन्दो बियाबनि रइजो-रजाफोरा चक्रधर दासखों नागरदों। जायनि थाखाय बियाबनि बांसिन अबर' रइजो-रजाफोरा इउ पि पि एल दोलोखों आबुडै हेफाजाब होनो ओंखारदों। बेबायदिनो 90 जौखोन्दो बर' रइजो-रजाफोरा बे खेबाव इउ पि एल दोलोखों हेफाजाब होगोन आरो बिसोरनि हेफाजाबजों सालबारि बियाबआव गावनि देरहागोनखों रोखा होन्नानै दाबि खालामो। गुबुन फारसेथिं दिनै दलाजानि, बुनमाजा पतार, आइकारि गामियावबो आलादा-आलादायै खुंनाय बिसायख 'थि मेलआव बिजाथि बिनद मुसाहारिआ बिबुंथिनि गेजेरजों बि पि एफ आरो गन' सुरक्षा पार्टीखों गोखों रावजों सोंखारिदों।□

## मोनबा बारग ' आदिबासि उत्खारि आफादफोरा बि जे पिखों बिसायख 'थियाव मदत होगोन

हारिसाजों मोनसे अरायथा गोरोबथाखों खालामनायनि बाश्रा फोसावनार्यनि उनाव आदिबासि आरो सावथाल हारिसानि मोन 5 दावहानि जानगराव थनाय हाथियार दैग्रा उतखारि आफादआ बि जे पिखों हेफाजाब होनो खौरंगिरि मेलनि गेजेरजों फोसावना होदों। गसाइगाव महकु मानि 3 नं श्रीरामपुर बियाबनि बि जे पिनि हेफाजाब होनाय बिजाथिनि जानानै फोसावदिंनाय मेलआव बि जे पि दोलोनि स्टार केम्पेनार मन्श्रि हिमन्त बिश्व शर्माआ फैगौ बि टि सि बिसायख 'थिनि उनावनो आसामआव थानाय आदिबासि आरो सावथाल हारिसानि गोलाव समनि जेंनाफोरखों समाधान खालामनायनि लामाखों गेवलाडै दोन्नायनि मोनसे जारिमिनारि गोरोबथा जागोन होन्नानै फोरमायो। बिसायख 'थि फोसावदिंनाय मेलनि जोबनायाव बे मन्सआवनो आदिबारि आरो सावथाल दावहानि जानगराव थानाय आफादनि दैदेनगिरिफोर जुथायै खौरंगिरि मेल खुंनाय फैगौ बि टि सि खुंथायाव बि जे पि दोलोखों हेफाजाब खालामनो फोसावो। बेनि अन्गायैबो आकमानि लेडइ सान्श्रि दैदेनगिरि रतन तुदुआ खौरंगिरि मेलआव बि जे पि सरकारनि समाव बि टि सिआव आदिबासिफोर थानाय ओन्सोलाव जेबो जौगायाखै होन्नानै अजद खालामो। फारसेथिं आदिबासिफोरनि गोलाव समनि एस टि खालामनांगोनि दाबिखों हाग्रामा महिलारिआ हेंथा होबोदोंमोन होन्नानै खौरंगिरि मेलआव अजद खालामो आकमानि दैदेनगिरिआ □

## बासुगावआव बि जे पिनि बिसायख 'थि फोसावदिंनाय मेलआव मन्श्रि परिमल शुक्लबैद्य

आरोबाव सोलिनाय नॅलिया। बे खेबाव बि टि सि ओन्सोलाव बि जे पिनि सरकार जागोना रोखा। बि जे पि दोलोआ खुंथायाव फैयोब्ला ओन्सोलनि मोनफ़्रोमबो हारि-हारिसानि समान जौगाथायजों लोगोसे बेखार जेंनाफोरखों बोख़ानांनयनि राहा लानायजों लोगोसे सेलफ-हेल्फ ग्रुपफोरखों रंखान्थि हेफाजाब होगोन होन्नानै बुंथियो। गावनि गोलाव बिबुंथियाव गुबुन गुबुन धोरोमारि सुबुंनि सायावबो बिबुंथि लाखियो। बि जे पिनि रइज्योयारि बुंथिगिरि सुभाष दत्तआबो बे मेलआव बि पि एफ दोलोखों गोखों रावजों सावरायनानै बि जे पिनि मेलआव सुबुं फैयैनि थाखाय बि पि एफनि माव फारियाफोरा रइजो-रजाफोरनि गेजेराव रं रानान्नाै होदों होन्ना अजद खालामो। बिसायख 'थि फोसावदिंनाय मेलनि मुडाव जों 10 रोजा रं खरसा खालामदों आरो बि पि एफआ जॉनि मेल-मिथिंखों बन्द' खालामनो थाखाय 3 लाख रं खरसा खालामदों होन्नानै गोखों अजद खालामो बि जे पि दोलोनि रइज्योयारि बुंथिगिरिया। बासुगावनि नेताजी सुभाष फरायसालिनि गेलेग्रा फोथाराव खुंनाय मेलआव 13 नं चिरां एस टि बियाबनि बि जे पि दोलोनि बिजाथि अलक बसुमतारि, चिरां जिल्ला बि जे पिनि बिसायख 'थि सामलाय आफादनि नेहाथारि रतन चन्द्र रायमोनहाबो बाहागो लादोंमोन।□

## सोमावसारबाय थानाय आबादारिफोरनि गासै जेंना आरो दाबिखों सरकारआ खोनासंनो थियारि: अमित शाह

जादों हादतनि नख 'र मन्श्रि अमित शाहआ। मिरु नख 'र मन्श्रि अमित शाहआ बुंदोंदि, दासान्दि सोमावसारगासिनो थानाय आबादारिफोरनि गासै जेंना आरो दाबिफोरखों खोनासंनो आरो बोख़ानो थाखाय सरकारआ थियारि। मन्श्रि शाहआ फैगौ 3 डिसेम्बराव आबाद मन्श्रिआ बे आयदानि सायाव सावरायनो थाखाय हांखायनायनि बाश्राखोंबो नेवसिदों। अमित शाहआ बुंदोंदि, पान्जाबनि सिमानिफ़्राय लानानै दिल्ली –हारियाा सिमानि लामाफोराव गुबुन गुबुन आबादारि गौथुमफोरा खवलायनायनि उनाव दिने जाय आबादारि फंबायफोरा गाव गावसिनि सोमावसारनायखों खालामगासिनो दं बिसोर गासैखोंबो आं खवलायनो हास्थायोदि, भारत सरकारआ नोंसोरनि बे जेंना आयदानि सायाव सावरायनो थाखाय थियारि। जों नोंथांमोननि गासै जेंना आरो दाबिफोरखों खोनासंगोन आरो बे आयदानि सायाव सावरायगोन। मख 'नाय जायोदि, थांनाय 26 नभेम्बरनिफ़्रायनो पान्जाब आरो हरियानानि लाख-लाख आबादारिफोरा ट्रैक्टर-ट्रैलर, मशर-गारि, कार बायदि लानानै दिल्ली चलो मुं लानानै सोमावसारनायाव ओंखारदों। बे सोमावसारनायनि जाहोनावनो दिल्ली, एन सि आरजों नांजाबनाय सिमाफोरा आबुडैबन्द जानानै दं। दासान्दि आबादारिफोरनि गोखों सोमावसारनायाव पुलिस सान्श्रिफोरजों गोबां दान्थे-बिदान्थे आरो नारा-नाथाद जालायबाय थानायखोंबो नुनो मोन्दों।□

### बिस्वजित, इमानुएल आरो हिमन्त बिश्व शर्मानि ....

दोलोफोरनि फोसावदिंनाय आरो गुबुन गुबुन हाबाफारि लानानै गाव-गावनि बिजाथिफोरखों देरहाहोनायनि सोलो-बोलो बाहायनायखों नुनो मोन्दों। बिसायख 'थिआ जेसेबांनो खाथियाव सफैदों एसेबांनो गुबुन गुबुन राजखान्थि दोलोफोरनि फोसावदिंनायजों दासान्दि बि टि सिनि दर 4 जिल्लायाव बिसायख 'थिनि दुंहाव बारा सोलिबाय थादों। थारैनो मोनफ़्रोमबो राजखान्थि दोलोफोरनो गाहाया थियासालसै रइजो-रजाफोरनिफ़्राय भटखों दखल खालामनो थांखिजों गाव-गावनि गोहो दिन्थिफुंनायखों बे समाव नुनो मोन्दों। दिनै बाक्सा जिल्लानि बागानपराआव 25 नं बागानपारा ब्लक बि पि एफनि बान्जायनायब बि पि एफ दोलोनि मोनसे समाव मावफु आफादगिरि बिबानखों सामलायनाय बिस्वजित दैमारि, गाहाय नेहाथारि इमानुएल मुसाहारि आरो बि जे पि दोलोनि रइज्योयारि गोखों दैदेनगिरि हिमन्त बिश्व शर्मानि मुसुखा बानायनानै सावनाय जायो। ब्लक बि पि एफनि गोबां रोजा-रोजा सोद्रोमाफोरा बाहागो लानायाव खुंनाय मुसुखा सावनाय हाबाफारियाव बिस्वजित दैमारि मुर्दाबाद, इमानुएल मुसाहारि मुर्दाबाद, हिमन्त बिश्व शर्मा ग' बेक बायदि स्ल'गान होनानै बागानपारा ओन्सोलखों गोमसारहोयो। हाबाफारि बायदियै मुसुखा सावनायजों जागायजेन्नायनि उनावनो लोगो-लोगो बागानपारा ब्लक बि पि एफनि मावखुलिनिफ़्राय आसुआ का आयेनखों बांधारनायजों लोगोसे गुबुन हादतयारि जेंनाखों सुख़ानांगोनि दाबिजों 8 घन्टानि धनां हाबाफारि लानाय बायदिनो बागानपारायावबो एस टिनि दाबि देख़ानानै मोनसे सोमावसारनाय जायो। आसानि सोद्रोमाफोरा आखाय आखाय फले काडं लानानै हिमन्त बिश्व शर्मानि हेंथायै स्ल'गान होयो। बे रोखोमैनो बागानपारा आसुआबो बे मोनसे दाबिखों लानानै आयेनखों बोखारनांगोनि दाबिजों बागानपारा आसुनि मावखुलियाव 8 घन्ट सोमावसारनाय हाबाफारि खुडो। गुबुन फारसेथिं बेबायदि हेंथा सोमावसारनाय समनि गेजेरावनो बागानपारायाव बियाबनि बि जे पि दोलोनि बिजाथि आरती बरदलैँ होफाजाबाव बिसायख 'थि फेलखों गोखों रैखाथि राहजों बिजोनि खुंनाय जायो। खमैबो 5 रोजानिफ़्राय बोंसिन गोबां रइजो-रजाफोरा बाहागो लानाय बे फोसावदिंनाय मेलआव आसाम सरकारनि मन्श्रि हिमन्त बिश्व शर्माआ गाहाय आलासि महरै बाहागो लानायजों लोगोसे बे जौसाडवनो बारा' रइज्यो सभानि एम पि बिस्वजित दैमारि, जयन्त मल्ल बरुवा, रेका रनि दास बर', बिजाथि आरती बरदलैँ आरो दोलोनि गोबां दैदेनगिरिफोरबो बाहागो लादों। बे फोसावदिंनाय मेलआव मन्श्रि शर्माआ बुडोदि, बि टि सिआव बि जे पि दोलोआनो सरकार दागोन। अदेबानि फैगौ 12 डिसेम्बरनि उनाव बि पि एफखों मिउजियामाक्सो नुनो मोनसिगोन होन्ना फैगौ समाव बि टि सिआव बि जे पिआ समान जौगाथाय, गेबें बिजिरनाय होनायनि खामानि मावगोन होन्नानै बाश्रा होयो। ऐरहाय बिस्वजित दैमारिआगावनि बिबुंथिनि गेजेरजों हाग्रामा महिलारिखों सासे थगायसुलासो होन्नानै बुंनायजों लोगोसे फैगौ 4 थि बि टि सि बिसायख 'थियाव बि जे पि दोलोआनो सरकार दागोन होन्नानै दाबि खालामो।□

## बराक-बुर्लुबुथुर सेरफानि गेदेर सुबुं समाज दाफुंनायनि मोदान आफाद दाफुंदों

साफ़्रोमबोनि थाखाय समान मोन्थाय आरो समान जौगानायनि बिथिडव नोजोर लाखिनो थाखाय दिनै गुवाहाटीआव खुंनाय जायो मोनसे असमीया समाजनि गोनांथार जथुम। गुवाहाटीनि एन इ एफ आयेन फरायसालिमानि जथुमग्रा खथायाव जानाय बे गोनांथार मेलआव बराक-बुर्लुबुथुर, अखं आसामनि मेलेमर्जिब समाजनि थान्दैफोरा बाहागो लानानै गोनांथारै सावरायलायनाय जायो। बारा' खुंगिरि आहमेदनि मासि सामलायनायाव जानाय बे गोनांथार मेलआवनो बराक-बुर्लुबुथुर, अखं आसामखों खौरैसेथि खालामनानै गेदेर असमीया समाजनि जौगानायनि थाखाय आसाम सिभिल ससाइ्टि मुंजों मोनसे गोदान आफाद दाफुंनाय जायो। बे आफादआव बारा' खुंगिरि अपसर हाजरिकाखों गाहाय लेंथुमगिरि होनायजों लोगोसे गागि खौरंगिरि आफ्रिदा हुसेइन आरो माखासे सुबुंफोरखों बिबानाव खौख्लैनाय जायो। गोदान आफादआ जौगाथायनि थाखाय खामानि मावलांनयनि बिथांखि आजावना लानायबो जायो।□

## सारा आली खानखौ बिककी कौशलजों लो गोसे नुनो मोनसिगोन

गोदान दिल्ली, 28 नभेम्बर : सावथुन उरी : दा सर्जिकल स्टुडिङ्कनि उनाव बेनि बिथोनगिरि आदित्य धरआ सावथुन 'अश्वत्थामा'खौ बानायनो फोसावदोंमोन। बेवहाय बिकसी कौशलआ गाहाय फाव खालामगोन होन्नानै फोसावदोंमोन आरो हीर 'इननि मुनि सायाव बानायगिरिफोरा सिरि थाबाय थादोंमोन। आथिखालाव खौरां फेदोंदि सावथुननि थाखाय सारा आली खानखौ फाइनाल खालामबाय। साराया दासिमबो कन्ट्रेक्टआव मुंसाइ होयाखै।



आथिखालाव दासिमबो बेनि जेबो मावख'आरि फोसावनाय जायाखै। सावथुननि सुटिंखो

फैगो बोसोरनि एप्रिलनिफ्राय जायगानो हागौ। बेयो पिरियडवार सावथुन जागोन, जाय महाभारतनि पराणीक फाव

नि प्रमशनआव नांथाबनानै दड। फार्सेथि बिनि सावथुन अतरंगी रे नि सुटिंखौबो जागायखांबाय। बेनि सुटिंआ फुरा जानायनि उनावसो साराया बेवहाय सुटिं खालामगोन।

फोर मायनाय बायदिब्ला, सावथुननि सुटिंआ हादतनि आलादा आलादा लकेसनआव जागोन, जायनि सेडयुलआ 80-90 साननि। लो गोसेनो सावथुननि माखासे सिनखौ ग्रीस, निउजिलेन्ड, जापान आरो नाभिबियाआवबो सुटिं खालामनो हागौ।

## मानुषी छिल्लारनि दालांआव ऑंखारनाय सावगारिया ससियेल मिडियाआव भाइरेल जादों

गोदान दिल्ली, 28 नभेम्बर : मानुषी छिल्लारआ ससियेल मिडियाआव गोबां एक्टिभ थायो। बियो सम सम गावनि सावगारिफोरखौ सेयार खालामबाय थायो। आथिखालाव मानुषीआ गावनि मोनसे बलड सावगारिखौ सेयार खालामदों जाय गोबां भाइरेल जागसिनो दड। सावगारियाव मानुषी छिल्लारनि आखुखौ बिनि फेन्सफोरा जोबोद मोजां मोन्दों। सावगारियाव मानुषीखौ दालांआव नुनो मोन्दों। बिनि एक्सप्रेसनसआ जोबोद समायनामोन। मानुषीनि बे सावगारिखौ गोबां लाइक आरो सेयार खालामदों। बियो सावगारिखौ इन्स्टाग्रामआव सेयार खालामनानै केप्सनआव लिरदों-माब्लाबा माब्लाबा आं क्लरिन गोनां दैन ना जायो। मानुषीनि बे परस्टआव फेन्सफोरा कमेन्ट खालामदों।

सासे फेन्सआ लिरदों नोंथाडा एकुवा बिकनीजों नोंथाखौ गोबां मोजां मोनो। गुबुन सासे पेनआ लिरदों नोंथाखौ दैन सिखि सिखला बायदि बांसिन लाइक मोनखांबाय।

मख'नो गोनांदि, मानुषी छिल्लारआ सावथुन पृथ्वीराजजों बलिउडआव आगान होजेनगोन। सावथुनआव बिखौ अक्षय कुमारजों नुनो मोनगोन। थानाय दानाव अक्षय कुमार आरो सनु सुदआ गोदानै बे सावथुन सुटिंखौ जागायफिन्दोंमोन। बेनि अनगायै बे सावथुनआव मानव विज, सन्जय दत्त आरो आशुतथ राणा बायदि स्टारफोरखौ नुनो मोनगोन। बे पिरियड ड्रामा सावथुनखौ चन्द्रप्रकाश त्रिबेदीआ बिथोन होगोन।

## कुली नम्बर-1 नि ट्रेलारआ रिलिज जाबाय



गोदान दिल्ली, 28 नभेम्बर : फावखुंगुर बरुण धवन आरो सारा आली खाननि सावथुन कुली नम्बर 1 नि ट्रेलारआ रिलिज जाबाय। सावथुननि ट्रेलारआ कमेडिजों बुंफबनाय। ट्रेलारआव बरुण धवननि कम्िक टाईमिंखो मोजां नुनो मोन्दों। फार्सेथि सारा आली खानखौबो गावनि कमेडि आरो क्युटेनेसजों गोबां मोजां नुनो। बे सावथुनआ 25 डिसेम्बरआव एमेजन प्राइम भिडिअ'आव रिलिज जागोन। मख'नो गोनांदि, बे

धवनआनो डाइरे क्ट

सावथुनआ 1 मेआव थियेटरफोराव रिलिज जानो गोनांमोन, नाथाय करना भाइरासनि जाहोनाव बिनि रिलिज जानो गोनांखौ दोन्थ'दों। आथिखालाव बेखौ अटिटि प्लेटफर्मआव रिलिज खालामनो थांखि लाबाय। बे सावथुनखौ बरुण धवननि बिफा डेभिड धवनआ डाइरेक्ट खालामदों। बे सावथुनआ 1995 आव रिलिज जानाय कुली नम्बर 1 नि रिमेक आरो बे सावथुनखौबो डेभिड खालामदोंमोन। सावथुनआव गबिन्दजों लो गोसे करिश्मा कापुरआ गाहाय फाव खालामदोंमोन। आथिखालाव बरुणआ मोनसे इन्टरभिडआव बुंदोंमोनदि बे सावथुनआ गोजाम सावथुनजों गोबां आलादा जागोन।

## धर्मेन्द्र-हेमा मालिनीआ बिबै-बिबौ जाबाय

गोदान दिल्ली, 28 नभेम्बर: फावखुंगुर धर्मेन्द्र आरो हेमा मालिनीआ बिबै-बिबौ जाबाय। बिसोर सानैनि फिसाजो आहाना देअलआ जावजा फिसाजोफोरखौ जोनोम होदों। आहानाया गावनो बेनि खौरांखौ इनस्टाग्रामनि गेजेरजों फोसावदों। आहानाया इनस्टाग्राम स्टरीआव नट लिरदों आं बेखौ फोरमायनानै गोजेनाय मोन्दोंदि, जोंना सा 2 फिसाजो जाबाय आरो बिसोरनि मुख जादों आस्त्रिया आरो आदिया। 26 नभेम्बरआव सानै जावजा फिसाजोफोरा जोनोम जादों। मख'नो गोनांदि, आहाना आरो हेकभ वहरानि जुलिआ 2 फेब्रुवारी 2014 आव जादोंमोन। 2015



नि जुनआव बिसोर सानैनि सावथुनआव ऋतिक रशन, एशा लो गोनि फाव खालामदोंमोन। फिसाजलाया जोनोम जादोंमोन। देउल आरो सेफ आली खानआ बे सावथुननि उनाव बिखौ आहानाया सावथुन ना तुम जान' गाहाय फाव खालामदों। गुबुन सावथुनआव नुनो ना हाम आव फाव खालामदों। आहानाया सावथुनआव एशानि मोनाखै।

## यामी गौतमआ गावनि 32 थि जोनोम सान फालिदों

गोदान दिल्ली, 28 नभेम्बर : बलिउडनि फावखुंगुर यामी गौतमआ 28 नभेम्बरआव गावनि 32 थि जोनोम सानखौ फालिदों। बियो गावनि एक्टिजों सुबुंफोरनि गोसोआव जरखा जायगा बानायबाय। यामीआ सावथुन बिककी डनारजों गावनि एक्टि केरियारखौ जागायदोंमोन। सावथुनआ बिखौ आयुष्मान खुरानानि अपजिटआव नुनो मोन्दोंमोन। मोनसे इन्टरभिडआव यामीआ फोर मायदोंमोनदि, इन्फर्टिलिटी आरो स्पार्स दनेशनआव बिथा खालामनाय बे सावथुनखौ लानानै बिनि पेरेन्सआ माबायदि रियेक्सन होदोंमोन।

इन्डिया टुडे कनक्लेव 2018 सावथुनआव यामीआ बुंदों, बिककी डनारनि थाखाय अडिसननि समाव गाव कारिस्ट डायरेक्टरनियाव बे सावथुनआ मानि सोमोन्दै होना सोंनायाव बियो मिनिदों। सावथुनखौ मोनखानायनि उनाव गाव बेनि सल'नि सोमोन्दै मोनथिदों। जेब्ला गावनि बिफाया सावथुनखौ लानानै सोंदों अब्ला गाव बिफानो स्क्रिप्टखौ होदों आरो बियो स्क्रिप्टखौ



फरायनानै बेखौ गोबां बाखोनायथाव होन्ना बुंदों। शुजित सरकारनि बिथोन होनायाव बानायनाय सावथुन बिककी डनारआ बक्सअफिसआव मोजाडै जाफुं सारनो हादोंमोन। नायगिरिफोरा सावथुनखौ गोबां बाख्नायदोंमोन। बेनि उनाव यामीखौ बदलापुर, काबिल और उरी: दा सर्जिकल स्टुडिङ्क बायदि सावथुनफोराव नुनो मोनखांबाय।

बावैसो समाव बिनि सावथुन गिन्नी वेडस सन्नीआ नेटफिलक्सआव रिलीज जादों, जेराव बियो बिकान्त मेसीजों लो गोसे स्क्रिीन सेयार खालामदों।

गोदान दिल्ली, 28 नभेम्बर: करना खैफोदनि गेजेराव मुलुगनि रांखान्थि राहानि जिडिपिआ नैथि 3 दानआवबो दावख्लायदों। जुलाइ-सेप्टेम्बरनि 3 दान समाव रांखान्थि राहायाव भारतआ दावख्लायनानै नैथि नम्बरआव थादों। सेप्टेम्बरनि 3 दाननि समाव भारतनि जिडिपिआ 7.5 जौखोन्दो दावख्लायदों मुलुगनि नैथि रांखान्थि राहा चीननि अनगायै गासैबो गाहाय रांखान्थि राहाया कभिड-19 इन्फेक्सन आरो लकडाउनजों लो गोसे दावहा नांबाय थादों। 2020 नि जुलाइ सेप्टेम्बरनि 3 दानआव चीननि रांखान्थि राहायाव थांनाय 3 दाननि 3.2 जौखोन्दोनि रुजुनायाव 4.9 जौखोन्दोआ बांदों। नैथि 3 दानआव ब्रिटेननि रांखान्थिआ गोबां दावख्लायदों। गाहाय रांखान्थि राहानि गेजेराव



मोनसे इउकेनि जिडिपिआव बे समाव 9.6 जौखोन्दो दावख्लायदों। इउकेनि रांखान्थि

राहाया 3 थि 3 दानआव गोबां दावख्लायदों। 2020 नि एप्रिल-जुननि 3 दानआव ब्रिटिश

रांखान्थि राहाया 21.1 जौखोन्दो दावख्लायनायजों मोगा-मोगि जानादों। जुलाइ-सेप्टेम्बरनि समाव जापाननि रांखान्थि राहाया दावख्लायनानै 5.8 जौखोन्दोआव थाहैदों। 1980 नि मुलुगयारि रांखान्थि खैफोदनि उनाव एप्रिल-जुननि 3 दानआव जापाननि रांखान्थि राहाया 9.9 जौखोन्दो दावख्लायदों। इटालीनि जिडिपिआव नै 3 दानआव 4.7 जौखोन्दो दावख्लायनायखौ रेकर्ड खालामनाय जादों।

जुदि 2020 नि एप्रिल-जुन दाननि बाश्नाखौ बुडोब्ला बेनि जिडिपिआ 1999 नि उनाव बयनिखुइबो खमसिनमोन। दावख्लायनायजों लो गोसे इटालीनि जिडिपिआ गिबि 3 दानआव 17.7 जौखोन्दोमोन।

# दिल्लीनि गाहाय लामाखौ जाम खालामनो नागिरदों आबादारिफोरा

# 45 बोसोर बैसोनि न' बिगोमाआ 7 बोसोरनि गथ'खौ जिनाहारि खालामदों

गोदान दिल्ली, 28 नभेम्बर : आबाद आयेनजों लोगोसे गुबुन गुबुन आबाद आयेनखौ हें था होनायनि जाहोनाव पान्जाब-हारियना आरो इउपिनि आबादारिफोरनि धर्ना होनाया गिखंथाव जालादों। धर्ना होनायनि थाम्थि सानाव दिल्लीआव सौहै नाय आबादारिफोरा गिदिर बाथ्राखौ फोसावदों। आबादारिआ बुंदों, जुदि गावसोरनि बाथ्रा बुंनयखौ गनायना लायाब्ला दिल्लीनि गाहाय लामाखौ जाम खालामनानै हान्था-मैला खालामनायखौ बन्द खालामगोन। गाहाय लामाखौ जाम खालामनायनि खौरांखौ खोनाना दिल्ली पुलिसनि अफिसारफोरा दावराव-दावसि



जादों। आबादारिआ बुंदोंमोनदि, गावसोरनि कमिटिआ जेखौ बुंगोन बेखौनो आबादारिफोरा मावगोन। आलादा-आलादा राइज्योनिफ्राय दिल्लीनि सिमायाव सौफै नाय आबादारिफोरखौ होबथानो थाखाय बिसोरनि सायाव दै

सारनाय जादों, टियार गेस गावहरदों आरो माखासे जायगाफोराव लावथिजों बुनायबो जादों। नाथाय दिल्ली फार्से फैनाय आबादारिफोरा फासय लांफिनाखै।

कतवालि, 28 नभेम्बर : नोगोर कतवालीनि सप्तत्रयि ओन्सोलाव सासे 45 बोसोर बैसोनि न' बिगोमाआ 7 बोसोर बैसोनि गथ'खौ जिनाहारि खालामदों आरो आथिखालाव पुलिसआ दायनिगिरि न' बिगोमानि हेंथायै केस थिसनबाय। दायनिगिरिया गथ'खौ माखासे खेब जिनाहारि खालामखांबाय। पुलिसनि बायदिल्ला, सप्तत्रयि ओन्सोलानि थागिबि फिफ्राअ अजद देखानांनै बिसोरनि न' बिगोमाआ गावनि फिसाजोखौ जिनाहारि खालामनायनि दाय जाबसिन्दों।

बे बाथ्राखौ शनिबारखालि फोसावदोंमोन जेब्ला गथ'नि सिरि-सिरि थानायाव गथ'नि बिफाआ बिनाव जाहोनखौ



सोंदोंमोन। अब्ला गथ'आ बिफानि सिगाडव गाबनानै फोरमायोदि, बिमा-बिफा गैयै समाव न' बिगोमा मुनीश्वर दासआ बिखौ जिनाहारि खालामो। बेनि उनाव न'खरनि सुबुंफोरा शनिबार हराव पुलिसनो जाथाइनि खौरां होयो। बेनि उनाव पुलिसआ दायनगिरि मुनीश्वर दासनि हेंथायै केस थिसनो आरो गथ'खौ मेडिकेल टेस्ट खालामो। बेनि गेजेरजों एसएसआइ नन्द किश'र ग्वाडोआ दायनिगिरिखौ नागिरगासिनो दड होन्ना नै फोरमायो।

## पाकिस्तानआव हौवा गोदाननो अन्थोबाव एके-47 होयो

गोदान दिल्ली, 28 नभेम्बर : भारतआरि पुलिस सिबिथाइ (आइपिएस)नि बिबानगिरि अरुण बथरा जेब्लाबो ससियेल मिडियाआव गावनि इन्टरेस्टि टुइटखौ लानानै सावराय जायो। बे खेबाव बिथाइ खाथिनि हादत पाकिस्तानाव जानाय मोनसे जुलिनि भिडिअ 'खौ फोसावयो। बे भिडिअ 'आव हौवा गोदानआ जुलिनि अन्थोब महरै एके-47 एसाल्ट राइफल मोनो। बेखौ नुनानै माखासे सुबुंफोरा गोमोयो आरो बे भिडिअ 'खौ 24 घन्टानि गेजेराव खेब 33 रोजानिखुइ बांसिन नायो। अदेबानि जुलि एबा गुबुन जथुमाफोराव उरां जाहाजजों फाइरि खालामनाय जाथायफोराथ' गोबाडै जायो, नाथाय अन्थोबाव एके-47 एसाल्ट राइफल होनाया मोनसे सरासन्ना नडै आरो गोमोथाव।

तेहरान, 28 नभेम्बर : इराननि गुन्द्रासाआरि गाहाय बिगियानगिरि महसेन फखरीजादेरखौ राजथावनि तेहराननि खाथियाव बुथारो होन्ना नै हादतनि रै खाथि बिफानआ बे बाथ्रानि खौरां होयो। बिबिसिनि बाइदिल्ला, द मावन्द काउन्टिनि अबसाई आव मोनसे गाग्लोबनायनि उनाव फखरीजादेह आ देहा फाहामसालियाव जिउ नागारो। इराननि गुबुन हादतआरि मन्थि महम्मद जवाद जरिफ आ फखरीजादेहखौ बुथारनायखौ सोंखारि नानै बेखौ उतखारिफोरनि गाग्लोबनाय होन्ना नै फोरमायो। सोनाबआरि संगालि एजेन्सिफोरा गनायनाय बाइदिल्ला, सिरियै इराननि गुन्द्रासा हाथियार हाबाफारियाव फखरीजादेहनिबो आखाय दडमोन। बेनि सोमोन्दै सासे सोनाबआरि राजथान्दैआ थानाय




2014 आव मिडियाफोरनो फोरमायदोंमोनदि, जुदि इरानआ माब्लाबा हाथियारखौ सायख 'दोब्ला फखरीजादेहखौ इराननि गुन्द्रासा बमानि बिफा महरै मिथिनाय जागोन। इरानआ बोलो होना नै गावसोरनि गुन्द्रासायारि हाबाफारिखौ गोजोनै नोजोर होनो थाखाय फोरमायबोदों। नाथाय हादतनि दिहुन्नायाव इउर 'नियमनि बारायनाय बिबानि सोमोन्दै गोदानै जिगा सिनायनि गेजेरजों बुथारनायनि खौरांआ फैयो। मानोना सिभिल गुन्द्रासा

गोहोखौ दिहुन्नाय आरो सान्थिआरि गुन्द्रासा हाथियार मोन्नेनि थाखाय इउरेनियामआ मोनसे मख 'जाथाव खेफोद। मोन 6 मुलुगआरि गोहोजों लोगोसे 2015 नि मोनसे रादाया बेनि दिहुन्नायाव सिमना जावसिन्दोबोन, नाथाय जेब्लानिफ्राय हादतगिरि डनाल्ड ट्राम्पआ थानाय 2018 आव रादायखौ नागारो नाथाय ज' बाइडेनआ फैगौ जानुवारीयाव आमेरिकानि हादतगिरि मासिखौ सामलायनायनि उनाव इरानजों लोगोसे सोमोन्दो लाखिनो खोथा होयो।



## अख्रांमायाव भारत आरो रासियानि सेटेलाइटआ सौग्रावनो नागिरनायखौ होबथानो हाबाय



चेन्नाइ, 28 नभेम्बर : रुसनि अख्रांमा एजेन्सिनि बादिल्ला, अख्रांमायाव गिदिर जाथाय जानाया थाबथानै थाबाय। एजेन्सिनिफ्राय फोसावनाय बिबुंथियाव बुंदोंदि, थानाय शुक्रबाराव भारतीय सेटेलाइट कार्टसेट आरो रासियानि सेटेलाइट केनापुसया खाथियाव सौफैलायदोंमोन। रासियानि एजेन्सि रसकमसआ गावनि टुइटयाव बुंदों मोन्नेबो सेटेलाइटनि गेजेराव जानथाया 224 मिटरल'मोन। मख 'नो गोनांदि, मोन्नेबो रिमट सेन्सि सेटेलाइट, जायनि गेजेरजों जेना गोनां थासारिखौ नोजोर लाखिनाय जायो। जेब्ला गनैबो

सेटेलाइटआ सौग्रावनायनि थासारियाव सौफैब्ला, सानसे सिगांनो सौग्रावनायखौ होबथानो थाखाय माबेबा मोनसेनि थाखाय मेनेइउभारनि हे फाजाब लानाय जायो। अख्रांमायाव सेटेलाइटनि अन्जिमाया बांलांबाय थादों। बे सेटेलाइटफोरखौ गुबुन गुबुन थांखिफोरनि थाखाय बाहायनाय जायो। स्पेस एजेन्सिफोरा खेबफ्रामबो 3-4 सप्ताहनि उनाव गाव गावनि सेटेलाइटखौ नोजोर लाखियो। खौरांगिरिनि बादिल्ला बुहुमनि गाहाय कक्ष हांखो एबा ल' आर्ट अर्बिटयाव ट्रेफिकआ बांलांबाय थादों।

गोदान दिल्ली, 28 नभेम्बर : दिल्लीआव करना केसखौ लानानै दैहाव थासारि सोमजिदों। मिरु सरकारआ सुप्रिम कर्टआव एपिडिभि ट होन्ना नै करनानि बांनय केसनि थाखाय दिल्ली सरकारखौ दायनिगिरि बानायदों। आप पार्टियाबो उल्था फिनजाथाय होना नै बे एपिडिभि ट दुखुनांथाव आरो थासारिनिफ्राय आलादा फोरमायदों। लोगोसेनो मिरु सरकारनि सायाव थांखिदोंबो। जास्टिस अशक भुषणनि पीठनि सिगाडव एपिडिभि थिसनानै

## करना इन्फेक्सनखौ होबथानायाव जिनि मास्कआबो बान्जायजाथाव

गोदान दिल्ली, 28 नभेम्बर : हादरआव करनानि बाडइ जानाय केसजों लोगोसेनो सुबुंफोरनि थाखाय मोनसे मोजां खौरां फेदों। रिसार्चनि उनाव फोरमान जानाय बादिल्ला, करना इन्फेक्सनखौ होबथानायाव जिनि मास्कआबो बान्जायजाथाव। आथिखालाव माखासे रिसार्चफोरा जिनि मास्कआ बारा मुलाम्फा गैया होन्ना नै दाबि देखानोंमोन। नाथाय दा करनाखौ होबथानायाव जिनि मास्कआबो बान्जायजाथाव होन्ना नै रोखा जाबाय। बेराफार्से बिगियानगिरिफोरा सार्जिकेल मास्कखौ 100 जौखोन्दोसिम बान्जायजाथाव। आथिखालाव बिगियानगिरिफोरनि बुंनय बादिल्ला, सासे मास्क गानै सुबुंनिफ्राय 6 फुट गोजानाव गसंनय सुबुंनाव इन्फेक्सन जानायनि खैफोदआ बाडइ जायो होन्ना नै बिगियानगिरिफोरा बुंदों।



जायो आरो मास्क गान्नाय सुबुंनिफ्राय 1.5 फिट गोजानाव गसंनय सुबुंनि रुजुनायाव मास्क गानै सुबुंनाव बेनि 1000 गुन बांसिन गिनांगौ जायो। बेराफार्से इन्फेक्सन जानाय सुबुंनि मास्क गान्नायजों इन्फेक्सन जानायनि खैफोदआ बाडइ जायो होन्ना नै बिगियानगिरिफोरा बुंदों।

बिसोरनि दाबि देखानाय बादिल्ला, सार्जिकेल मास्क आरो सिंगेल लेयार सुतीनि मास्क मोननैबो करनाखौ होबथानायाव बान्जायजाथाव आरो खुगानिफ्राय ओंखारनाय बार आरो गुजुनाय एबा बाथ्रा बुंनयजों ओंखारनाय बारखौ बे मोननैबो मास्कआ होबथानायाव जाफुंसारनाय।

## करना केस बांनयनि थाखाय दिल्ली सरकारा दायनिगिरि : मिरु सरकार



जागाय जेन्नाय, फोर्बोन बोथोर आरो आबहावा गुबुंले जानायनि जाहोनाव करनानि केसआ बांनो

हागौ। नाथाय थेवब्लाबो बेखौ होबथानायनि गोखों राहा लायाखै। मिरु सरकारनि

बादिल्ला, गोजौ थाखोनि समितिआ दिल्ली सरकारनो सांग्रंथि होदोंमोन। नीति आयगनि सामलायनायाव बानायनाय बे समितिआ राइज्यो सरकारनि सिगाडव बुंदोंमोनदि, सानफ्रामबो 15 रोजा करनानि केसआ फैनो हागौ। बेनि थाखाय गं 6500 आइसिड बेंड थियारि खालामनानै दोन्नायनि गोनांथि दं। नाथाय बे अ'ज गाबनायनि सायाव दिल्ली सरकारा जेबो रोखेमनि हाबाफारि मावयाखै। बेडनि अन्जिमाखौ 3500

सिमन' सिमना गोनां लाखिनानै दोदों। आप पार्टिआ बुंदों- मिरु सरकारआ दाय जाबसिन्नायनि खेला गेलेनायनि अनगायै दिल्लीनि सुबुंफोरनि थाखाय गोखों हाबाफारि मावगोन। इनफेक्सननि समाव राइज्योजों लोगोसे हेफाजाब होनायनि हावामावनाया गोनांथार। नाथाय मिरु सरकारआ गोरोंन्थि बाथ्राखौसो फोरमायदों। दिल्ली सरकारा जाय जेखि बुड मानो गासिबो एजेन्सिफोरजों लोगोसेयै हावामावलांबाय थागोन।

